

越縵堂日記

第四十冊

荀學齋日記戊集上



光緒九年癸未三月二十一日辛丑晨及上午時有小雨竟日輕霽 敷夫

梅卿俱以昨醉極樂寺辭飲 旬午詣崇效寺淑雨厭塵綠野如拭

葦蘿瓦屋時出好花抵寺漸晴玉梁緋棟香溢一院粉素作花尤為穠

豔經樓紅映麗矚踰增致夫已至仲役心雲桂柳次第而來共讀青松紅杏

卷飲于靜觀堂飯畢已起寺鐘復坐花下取卷尾題數字志游迹後先仲去曰

晚回車至柳湖游聖安寺寺亦前年新修者興作未已殿前有瑞像亭前後海

棠丁香高樹八九株作花正繇緋桃一樹尤備豔絕殿壁有舊績獅象頗壯麗

西側一院甚精紫花樹楚日以迫睡莫不及向雷而歸是日春會清游最佳

諸君復為極樂寺之游期以二十九日 甘寺坐錢十千府人賞十千安車十千車錢十千

聖安寺香錢二千

邱鈔

上
游前據游百川奏察看黃河的擬辦法繪圖呈覽游百川陳士杰奏查明黃河
下
游情形各一摺當經諭令再行通盤籌畫會同妥議詳細具奏茲據奏備擬
築築堤隄藉資保障開旋駁馬頰河以分水勢並擬開濬小清河及遠隄室礙
難行各摺片著戶部工部速議具奏摺三件片二件圖一件併發

太常寺少卿白桓為太僕寺卿

二十二日壬寅晨及午晴暖而地潮下午六風暝後小雨傍晚密雨旋止

心雲來 馬蔚林來 曾君表來 鍾仲蘇來 下午詣汝翼賀其

弟娶婦又荅拜數客陪李子鈞風起而歸 臣齟腫痛不食多

臥閱十國春秋吳越楚閩荆南北漢記 舟車錢五千庸僕組圖錢五千

邸鈔

降調戶部侍郎崇禮為光祿寺卿

二十三日癸卯晨小雨竟日霽有風午散晴傍晚風甚 攝河謝客多

臥 屠子疇來 張子虞來 君表來 晚霞紅甚強起至新浴小

圃觀之 閱十國春秋吳及南唐志伊以杭人懷措上之見內吳越為故國

頗右錢氏而薄南唐凡各國春秋於它國君皆直稱姓名惟遇吳越則僞某王
已自亂其例於南唐從五代史記之謬說以烈祖為妾祖吳王恪三代之名皆有
司偽諱予已於咸豐丙辰日記中論之至引劉恕十國紀年謂烈祖曾祖超祖志
乃與徐溫之曾祖祖同名知其皆附會按舊新五代史馬陸南唐書皆不載徐溫
先世名劉氏不知何所本且其名果出偽諱豈難別取二字何必故同以自彰其缺
當日君臣其拙至此豈情理所有此不辯而明者矣

二十四日甲辰晴下午風

得蔡松甫書并章碩卿所刻叢書南江札記等

十冊印復

得段夫書問明日極樂寺之游復以花時已過此飲遂罷 黃硯

芳辰來三次見之為其尊人蔚亭同年明年七十求壽幛壽聯且攜金匱鄧
石擢秀才 濂書言平生最服膺者會稽李越縵先生詩古文詞實當代第

一惜不得一見之以佳紙請書近詩數首朝夕雜誦以當晤對聞秀才年少
工詩書法亦佳近為甯波宗太守幕客因近時之俊也 閱羅昭諫讒
書亦章碩卿所刻者據海鹽吳氏愚谷叢書本重翻凡五卷尚少誤字前後
有昭諫自序及宋人方虛谷跋明人錢叔寶跋免林跋其書乃懿宗咸通八
年丁亥唐京師時所次雜文明年戊子落第赴江東又一年己丑以徐賊龐勳甫
平詔罷科舉因復序而行之曰讒書者自謂用其文以因存比於自讒其命名之
義已淺所次論說雜出間以韵語太平憤懣不平議古刺今多出新意頗以新
削自喜而根柢淺薄篇幅短陝所識不高轉入拙俗比晚唐文辭之通病余嘗
謂國之將亡江湖派出故唐宋元明之季皆各有一江湖派為山林野疇反浮淺
之人所託而唐末最詭瑣故五代之亂最甚文章之微運會豈不信哉世人偏嗜

明季又專以江湖派譏宋人非知言者也昭諫文於當時猶為近古其與招討

宋將軍書謂宋威也責其養賊釀禍謂行酷於尚君長王仙芝辭甚峻厲請

追癸巳日詔疏言用水器鑪香蒲蓀絳幡致坊市外門為穰旱舊法不足恃

其首自侮曰歲貢賤臣二文蓋皆私擬為之然足見其心存君國後之請討賊

溫忠節皎然其說石烈士記石孝忠推倒淮西碑為孝涼公訟功得召見拾

甲子年事記大和中張谷歌姬李新聲勸谷去劉從諫為谷所縊亦兩事

為後人言史者所取其風雨對蒙更遺意三帝所長謂堯舜禹救夏商二帝

謂堯伊尹有言後雪賦荆巫燒燁詩市賦二工人語書馬寇驛

迷樓賦吊崔縣令凡十三首皆可觀文共六十字首錄二首又兩同書二卷亦昭

諫諫上篇五末皆引老氏曰下篇五末皆引孔子曰惟第十篇無孔子曰蓋有脫文其指以為老與

儒同歸也亦章氏所列叢書之一 敦夫來 夜雨

郎鈔

上條光祿寺少卿延茂奏八旗舉人請准以六部筆帖式用廷由舉人分部之筆帖式

以准就揀大挑各摺片著吏部議奏

記此次會試取中三百十六名浙江得二十四名

舉子不及五千人山東不及二百人而得二十一名謂極寬浙江不及五百人較之往年亦為寬矣

二十五日己竟日密雨頗涼 紫藤花開 閱邵氏晉酒南江札記卷一論春

殊左氏傳卷二儀禮正誤三十四條皆獨鄭本之誤禮記一條三禮論大帝郊丘之祭

七條亦皆駁鄭君說其解頤錄卷三論孟子蓋即其孟子正義之彙本卷五史記九

條漢書七條後漢書三條三國志四十九條五代史十七條宋史四十六條南江經史之學

皆深湛者越學派皆不為鄭氏家法雖質如南江亦偏以高密為非也 晚雨入夜

益密有聲

二十六日丙午晨露上午晴頗蒸薄傍晚有風甚涼

閱南江札記此書

始於亥詳讀二編今閱之尚多未能洞然可知二十年来學益寸進也

黃硯舫

書來以其尊人所刻醫書種閣集四種見詒為黃忠端公年譜二卷黎洲先

生年譜二卷五緯捷書四卷測地志要四卷

課盾組地種花苗

朱荅生來

金忠甫來俱來商庚午同年團拜事

閱黃忠端年譜過於求錄頗病

燕雜 夜二更後雨作

二十七日丁未晨大雨上午漸霽竟日霽涼如深秋

病齒不能食

寫單

約曾君表李子鈞李玉舟王醉香孫鏡江田杏邨及先甫梅柳諸君三十日為

送春之飲

作書致鏡江賀其選知江西宜春縣得復

沈子培來言同

年屬誕麟太師母八十壽序久談而去 猶初來 爽味未言其配薛宜

人病風 下午西北風甚勁而寒覺小感不快 聞法蘭夷必欲滅越南又

增兵往采李高陽主中外機密日下兵部發急遽詢李令肥間尚書攝兵部

不知所處分何事也又聞陳國瑞以去年除夕病卒於黑龍江成所署將軍文燏

奏報已至國瑞驍將亦甚可惜國瑞前年俄夷之警有疏薦之者 廷旨下黑

龍江將軍定安察看定安奏言可用時曾國荃遠駐山海關 詔詢其狀令

酌度差違曾疏言其跋扈不可制遂罷 國家欲辦夷事非得如國瑞及

田興恕者數子奮不顧死之戰將但今日為丁壽昌劉秉琳請祠明為李鶴章

吳毓蘭請傳淮淝帝并畫高祖立恐終坐視屬國之罄食漸及於我也夫必

近日湘人已敢強弩之末淮人更暮氣不足用

邸鈔

上諭宗琦奏查辦案內應訊職官延不到案請旨飭催一摺河南候補知府劉
光燧係查辦吉林事件案內應訊之員前經宗琦咨提迄今尚未到案殊屬玩
延著直隸總督河南巡撫飭令沿途地方官嚴催迅赴奉天聽候質訊如尚未
起程即着河南巡撫派員解往毋任逗留

二十六日戊申晴午霽下午大風涼甚

閱陶邕州小集宋人陶弼所著

字商翁永州祁陽人事蹟見宋史本傳詩僅一卷七十三首小有風致如落照

律至原州團練使

懸漁市孤煙起戍營

秋口登南城臺

月天高寺影春雨一橋聲
東樹色纔入楚江

聲未出蠻

陽朔縣

花露生瓶水松風落架書

羅秀山

瀑布聲中窺案牘
女蘿

陰囊勸桑麻

題陽朔縣令

兵送遠人還海界吏申遷客入津橋

天涯亭

一區海上

神仙宅數曲人閒水墨屏

開

安城太守知邊計
茵苔花中閱水兵

安城印事皆

不來為佳句也此亦章氏所刻

得米荅生書言庚午浙榜同年至者二十

四人 得後夫書印復

得曾君表書屬書楹帖

作者致金忠甫

晚風止課童僕扶藤花架

閱尚江札記其論三國志四十九條皆直錄義門

讀者記蓋即氏過錄所閱書上後人誤撥入之

庚辰同年李而琛于母憂送奠分四干

二十九日己酉晴自辰至未北風狂甚而寒晡後稍止漸覺酥暖

閱行

文三國志注證遺為補訂七條

殷孝庭之長郎十歲詒以湖縐衫裁一領荷

包一對荅連袋鞞夾袋各一枚及田桃鮑麪各一盒張姬往赴其姬人飲席

得沈子培書并庚午同年沈子美

泰寶

兄弟詭寄若農師銀四兩即復并饋子

培桂花越茗一餅

得孫毓江書約四月二日在飲

得金忠甫書送龍圖

拜之議

作書致蔡松甫還章氏所刻書

晚過敦夫談

什版宅堪賞

師鈔盛京工部侍郎興思奏病難速痊懇請開缺

興思准其開缺回旗調理

左春坊左贊善霍穆歡升右春坊右中允御史李肇錫升兵科給事中

三十日庚辰昨初一刻九分五變四月節晴暖

始見楊花

鬢頭

敦夫來午後偕出近坊聞宮倫晚歸

嘉興王相漸來為趙桐孫送函

件即轉交梅柳

晚偕敦夫詣聚寶堂諸君次第至至客十人左觥六人

飲至三更後歸君表再招飲辭之

曾客車十千酒保賞六千車六千

是日以僧

蠟故事稱身重七十七斤

家人送吾臥牀置東

得彼夫書

夏四月辛亥朔晴致露

藤花盛開

夏發灌園

閱疆場後

鵝堂筆記疆場之論史有鑿裁與義門讀書記同一家法雖考核之精不及後來錢竹汀此詰訓之通不及後來王石渠氏然簡潔足自成一家

夜洗足

邸鈔

內閣學士何克丹為盛京工部侍郎

甘肅西甯鎮總兵何作霖雲南普洱鎮總兵王東發貴州古州鎮總兵江忠朝

均開缺送部引見

江蘇常州府知府朱敏湖南寶慶府知府蔣常垣雲南普洱府知府孫達源

東川府知府蔡元燮均開缺送部引見

上諭錫珍奏請將已革侍郎寶廷素級錄用湖北荆宜施道于蔭霖改用京秩等

前因寶廷尚屬教言是以不次起擢簡授侍郎乃於差次不知檢束自蹈愆尤
當照部議革職實屬咎有應得至獲咎人負棄瑕錄用其權操之自上錫珍何得
為乞恩于蔭霖以京察一等簡授道員正所以資歷練朝廷量材授職京外皆須
得人所請改授京秩亦屬非是錫珍著傳旨申飭

上諭禮部代遞郎中吳均奏疏濬黃河敬陳管見一摺著戶部工部歸入游百川陳
上杰前奏各摺片一併速議具奏

初二日壬子多雲間晴

設几藤花下讀三國志

作書致周荇翁

還三國志證遺

作書致汝翼問其疾

作書致奕琳問其夫人病

狀 潘伯馴來 陳書玉來言其母夫人及子女三人明日南還 資泉來

辭行 印結向送來前月公費銀六十八兩七錢五分 孫鏡江來催款

夜詣上虞館書玉家送行以番銀兩圓為其次女助醫飾即赴鏡江之

約惡客滿坐甫入門即反走驅車歸 夜疾動

初三日發去霽年敬見日 坐藤花下閱兩漢金石記吳禪國山碑文中

丞相沈兩見其紀歲曰旃蒙協洽曰柔兆湛灘則孫皓之天冊元年也夫天璽元

年丙申也所載太尉璆為宏璆大司空朝為董朝兼太常處為周處執金吾備為

滕脩屯騎校尉悌為張悌等其人多可攷惟沈與大司徒變不知何姓攷吳自建衡

元年^{己丑}丞相陸凱卒鳳皇元年壬辰右丞相高彧卒至天記三年八月始書以軍師張

悌為丞相去凱之卒已十年彧之卒亦六年中間不應竟不置相雖大司空朝吳志作張

司徒董翊等奏之太常亦兼官吳起兼司徒則大司徒變亦疑非實授蓋以封禪

禮重故皆假重職行事無沈既辰首其文又兩見蓋史之闕佚者多矣至昭因臨平

湖出青石而改元天璽又因陽陽山而改元天紀其事皆在丙申之歲本為天冊二

年其封陽羨石室乃合諸瑞而封禪國山以表其盛史不言封山月日其上云秋八

月者乃繫京下督孫楷降晉之事陳長於此下接書應陽石文其事自在八月以後

下又連綴又吳興陽羨山有石云二時甫改元天璽故碑言柔兆泥濘之歲鈔若

上天紀號天璽用彰明命丞相沈等以為宜先行禪禮也志系此事於天璽元年

與碑文合而吳山夫失核察皆自生葛藤卓緒亦不能辨析遂游移其辭耳

心雲來 敦夫來 是日所蓄一鴨亦已六七年矣本欲埋之姬侍輩以為禽

牲宜烹宰之免罪過因賊僕媼等凌次仲有瘞鴨銘所為奪人之腹以予悽愴

何思何仇者也

郎鈔

通政司副使張緒楷為光祿寺卿

初四日甲寅晨霏露正午雨下午漸晴

讀三國志

哺坐藤花下讀

書餘潤在花暗香動葉墜葉點白豔粉盈行

吳介唐來

是日山妻

作布被兩姬各製洋紗帳付錢一百三十六千

今晚夢見西郭故居

宇回環庭院眼暈大母北堂堅然壽樂予自思曰此境不可多得也又轉念
曰平生百息萃集尚有此一日邪烏岸此少年都下所不知者今日乃為幻
中之幻駒可悲矣

初五日乙卯晴午後大風

藤花極盛設几讀漢書

致夫來

晚

夢庭饋食物遣其姪人來候丙子

得朱桂卿書行前日飲崇效寺五

古一首即復

楊正甫約午飲不往

昨夕將旦夢舟行故鄉青田湖晚

日初出山水照耀漁舟百十里散烟波回顧所乘無蓬一葉船人踟躕其行

如飛心甚樂之因紀以詩

自晚後夫復來坐藤花下久談因留夜飯一更

後致夫邀同致夫至霞芬家小飲三更歸

付酒遣錢二千車錢四千

癸未四月五日夢舟行故里青田湖中樂甚醒而賦之次日是湖中競

渡日也

故鄉霞川水南匯青田湖湖周七八里曰浸山後菰其中多曲港夾樹楓
栢林霞川為運河帆檣如鷺趨過橋入湖口頓覺心神殊清光啟明鏡千
百螺鬟梳篦富菱芡亦種紅芙蓉麗景四時足鬱為神仙都昨夢

駕一葉駛入烟波區。其時旭日出金翠。相卷舒。漁舫正四散。點綴鷗與鳧。
樹色蔚若薺。下映澄練鋪。嵐光滴曉露。浮青滿衣裾。顧之所止。美身復
入畫圖。栩栩忽以覺。蒼碧猶能摹。始悟明日事。競渡相嬉娛。龍舟押翠
浪。出沒跳鷗魚。汀花岸草間。時時拂旌旗。川驛織錦繡。酒國開粉榆。時
通田事隙。清和當夏初。年少隨里集。此樂長無渝。安得附翼歸。簫鼓趁
都墟。

初六日丙辰晴暖有風 屠子疇來 藤花下讀書 張子虞來

鄞人鄭崇黼同年來已以道負名廣東 得王廉生書屬書招扇即

復 梁星海送來王益壽所刻魏書校勘記 再得廉生書再復

晚過敦夫齋頭小坐歸

即鈔

左春坊左庶子思榮為國子監祭酒

諱上連為甘肅西甯鎮總兵

何秀林為雲南普

鎮總兵

蕭肇富為貴州古州鎮總兵

前直隸永平府知府桐澤授江蘇常州府知府

初七日丁巳晨及上午教晴多雲下午晴雲相間

作書致鏡江致

楊正甫皆與言前日逃飲之故作書致屠子疇贈以銅墨合一枚并銘

蔡松甫來

鬢頭

午春拜教客入宣武門出正陽門晤何子茂學士

伯晚歸

汝翼來

周孝廉奎吉來

鏡江來

夜露密雨

至三更後稍止

村車殘六年

師鈔

戴宏勝為陝西漢中鎮總兵

初八日戊午晴晨及上午涼午後有風復暖 曰在師來 作書致

周荅翁得復 作書致鏡江以玉石印五枚託代寬家刻 作書致王

廉惠索章碩卿所刻宋子廷過庭錄得復 陳伯平來又談 閱彭

天勤五代史記注此書因於坑米氏之指文勤泉劉金門侍郎踵而為之歷訪

通人采叔極博大略做裴世期三國志注雜陳眾說而不能如裴氏之折衷頗

病複背故愈理初不滿其書也 夜露

師鈔

翰林院侍講學士何如璋轉侍讀學士以左春坊左庶子張佩論為侍講學士

初九日己未晴

得彼夫書即復

吳介唐夫人饋白子米粥筒乾醬

乳等物稿使二千

是日得詩一首詞二首

坐藤花下作

種藤十餘年其高覆我屋縛架日以長布蔭滿庭整年年春夏交垂
花若球網豔散終朝霞風搖四何馥設几坐其下攤書字未綠時見落英
墜丹粉相向讀小鳥成經過碎縈響珠玉徑索無人行惟見日映盡
餘映清露喜朝沐家人顧笑我謂此非道軸辛勤作富公種此竟誰屬余
謂人生寄但取眼前足我種我譽之人花兩為福不見平泉莊未得一朝宿
非皆蔭寄園泯棄竭漁洋整竹垞佳事此其續後人想風流定入選

朝錄

臨江仙 詠案頭盆魚

徑尺方盆圓作沼。汲泉小蓄。修魚翠痕。略借荇絲鋪兩三。文石錯隨地見。
蓬臺戲埏。柳花浮水面。閒看逐隊。唼喙空中游。影自如如。須知魚與我。
同此一江湖。

減字木蘭花 初夏即事

榆錢飛盡過了。花時人事少。嬾。注都果風過。書籤自在香。綠陰新。
雨。閒校丹經。消日午。佳墨勻研。莫放楊花入畫簾。

初十日庚申晴早起比日燥熱殊甚今日稍清蘇下午有風 沈子培未
久發 校讀宋史及東都事略鈔補東都事略循吏傳一葉比頗因勞
自力為之

印鈔

上諭河南王樹汶一案業經刑部奏結茲據李鶴年奏強盜案內例無看守衣服
身條請飭安議罪名等語著都察院堂官會同刑部詳晰妥議具奏

十一日辛酉晴熱甚早起 是日會試填榜報紅錄梅卿來告其子得雋

即往視之 得玉醉香書 午後詣琉璃廠寶森書肆閱明初翻宋本

楊龜山全集四面 國初真定梁氏藏書有梁玉五宋漫堂諸家印記購得

黃氏原刻小蓬萊閣金石文字翟云升隸扁直銀十兩旋至廠東門看紅錄

晤敦夫令唐伯循醉香同坐一書肆中甫歸小臥舖後復詣廠肆晤夾

殊龐綱坐同坐寶森堂又談伯晚知山會已得三人遊詣上虞館晤書玉光

甫晚詣虎坊橋杭州館賀黃松泉得雋復詣梅卿小坐桑月歸踪熱不

可耐是時江錄已報訖矣相識中自胡黃外無一人也庚午又捷三人計一百十
二人中應六科已得進士二十人亦不為少惟人才殊乏耳

付車錢七千

邱鈔

上 前據給事中鄧承脩奏參修撰黃思永及廣東候補知府方功惠各款當

奉令江蘇廣東督撫確查茲據左宗棠曾國荃等先後奏稱黃思永疏無鑽營

罪劣實迹方功惠亦無重利盤剝官聲猥鄙等情惟黃思永在上海置買住房

一所託伊戚朱錫康經手朱錫康復自買房屋兩處上年查辦姚寶勳夥置洋

房一案並無黃思永股本在內其由姚姓代取房租係朱錫康展轉託黃思永

失於檢察咨實難辭著交部議處

十二日壬戌晨及上午晴午後散霧晴鬱熱會晤有風晚晴 早起遣

人至琉璃殿取紅字題名錄閱之會元休甯人甯本瑜張子虞中第二全

獨無一知名之士 閱宋史 劉沆傳云沆既疾言事官因言自慶曆後臺諫

官用事朝廷命今之出事無當否悉詢之必勝而後已身務決人陰私莫辨之

事以中傷士大夫執政畏其言進擢尤速沆遂舉行御史遺次之格滿二歲者與

知州張洞傳云洞謂諫官持諫以震人主不數年至顯仕此何為者當重其任而

緩其遣使端良之士不亟易而浮躁者絕意致書歐陽修極論之謂余嘗優容諫

官固朝廷之美事而諫官之橫必起於柔弱之世因恃上之容我遂漸相脅制

壹同媚異力自安結而朋黨之禍興國家之亂成矣唐之諫官橫於穆宗時宋

之諫官橫於仁宗時而唐諫官橫於元宗時明之諫官橫於神宗時皆柔弱

之主也宋世言路本多君子而意氣過激私心生焉由是真偽雜糅邪黨乘

之明代正人已不及宋然其始起亦尚持公道即唐與南唐正不勝邪其一二矯
者始亦未嘗不謂為正論所歸迨至堂向已成氣力勝於朝廷而又逆知君相
之無如我何於是本為小人者因惟自圖便利即本為君子者亦惟自顧其氣
類而不暇為國事計甚至壞封疆壞朝廷壞社稷而必不肯壞其朋黨此
有國者所宜深察為劉中之之言深中時病而卒為言路所力攻至殉而天子為
蒙恩賢之碑其家終不敢請謚臺諫之談何其盛哉張仲迪重任緩遽之論真
名言也 包拯傳言其權知開封府時貴戚宦官為之斂手聞者憚之人以拯笑
比河清童稚婦女亦知其名呼曰包待制京師為之語曰關節不到有閻羅包老
然又曰惡吏苛刻務殺厚雖甚嫉惡而未嘗不雅以忠怒是孝肅非任威刑者其折
獄史惟載其知天長縣察盜割牛舌一事然此事務行傳亦載之又以為行宰華池

時事至孝肅因連劾罷三司使張方平宗祁遂權使職歐陽文忠至此之辱蹙曰
之牛其詞甚厲而相宿傳云涇州卒以折支不時給出惡言且欲相扇為亂既寘
于法乃命劾三司使三司使包拯護弗遣宿曰涇卒因悖慢然當給之物越十年
五日而不與計吏安得為無罪拯不知自省公拒制命記綱益廢拯懼且遣吏則
希仁亦非真關節不到者矣 教夫來番共早飯 胡少卿來言房師為

季去周此輩富家少年未嘗作文字而連捷鄉會非後生之福也會稽人孫

亦素不讀書游幕於外賄賂稔藉江蘇官吏惡而逐之在都日狎賤倡邑館

中人皆屏不處今亦得捷教夫今日過其同年陸修撰新分校出闈者言昨填
榜見孫祖英卷面所書三代其祖名英知貢舉張佩論訝而欲易之至司及房
官陸寶忠必不可聞其文甚不通旨甄中三用指字科名皆出此書鄉里雜復

百讀書此桑梓之不幸也聞今年主司不閱二三場自三月二十四日後皆高以張
子青尚書至不閱二三觀冬烘如此負國多矣

師鈔

上諭太僕寺少卿鍾佩賢奏新例盜犯罪名請飭議酌復舊例一摺著都察院堂
官會同刑部歸入李綱年前奏一併妥議具奏

十三日癸亥晴午後有風

心雲來教大來

張叔平來言已奉旨

歸渾源原籍後復入都者且自稱無見文碩事可怪也 孫鏡江來 作

書致心雲致屠子疇皆慰其落第

閩隸篇

夜月甚佳閱宋文

師鈔左中允梁燿樞升司經自洗馬

十四日甲子晴

作書致彼夫慰其落第

彼夫來

屠于嚙來

鬚頭

畜狗亦狗甚俊健十餘日前一夕有盜入中庭猛起吠之余臥未熟逆起亟逸去蓋為所毒因腹脹今日余午飯尚未搖尾乞食及余對客遂僵槩甚傷之埋之南下窪為之文 晡後詣教夫齋頭小坐徧晚歸 鄉人王福璠運判來 夜月甚佳

瘞狗文

嗟尔狗之產冀兮計及今而五年高四尺以半髮兮尾捷白而體元非康名以善噬兮時嬉之而守關戒田果之富出兮呼觸之而未前余偶出而夜歸兮輒迎門而後先銜余衣而不去兮聲嗚嗚以告人媿畜汝之不至兮胡感戀於我恩忽一夕之猛吠兮似攫搏以直奔徐越牆以驚逸兮逆

遺毒於尔身。腹彭亨而漸保。兮形傷僕而不完。見殘食而低頭。兮臥唯
肝而不安。詎一旦之立僵。兮統門穢而踏顛。當是日之向晨。兮猶嗵嗵以警
巡。蓋一息之未死。兮守汝職而不墮。及焉中而食。兮尚莫司夫腥。禮不
謂尔之遠化。兮任尔晚而尔躄。余飯畢而對客。兮尔就槃而無聞。家人
不以予告。兮遂柔尔於郊。蓬茸獨木為輪車。兮上為椽而泥棺。悲汝之以
勤事而橫隕。兮益媿余之不仁。彼凡百之有位。兮益感於斯文。

師鈔

大理寺少卿鳳秀為太僕寺卿

晨薄常有小雨

十五日巳丑酉正三刻。小滿四月中。晴。晡後有風。早起閱宋史。

上午作片。遊于晴心雲。鼓夫介唐光甫。鼓夫午飲便宜坊。招霞芬玉。德

甫歸 作復陳許堂師書略言近年讀書自得之趣許寄以續古文

辭類纂等書作書致江敬所贈以番銀兩圓託轉致許師書於安仁

夜月皎如晝 孫和來 遣僕媪以果物視書至夫人 付酒任賞五千霞至年四十年年三千

十六日丙寅晨教露薄露上午晴下午露旬晚雨 江敬所來 作

書致磨子疇以番銀兩圓屬語其從姪某夢巖姑夫之孫也 汝翼

來 得彼其書贈吳中新刻文選刻證一和印復還之 得將文書印復 徐仲佳來 下午詣伯寅尚書聞其二十日全家奉喪南下也詣磨

子疇詣鏡江不值詣鐵香球芝街新后詣江敬所過雨亟歸 得鏡

江書 晚雨止詣梅卿小生致夫邀飲聚寶堂即赴之先甫介唐心雲諸

君俱已至招霞芬至倦夜之愛先甫復邀飲至倦家至倦新娶婦偕新人

出拜延坐洞房花好看濃月圓場豔繡簾嫩幌金帳藏雲靨色緋羅髻

低翠藤觀玉人之雙美觸綺夢於三生矣贈以纏頭四金弟子左面錢十千

招霞芬四夏後歸而漸密達旦有聲 什半錢十二千霞玉半四千 是夕聖無月

師鈔通政使(同永順泰因病懇請開缺 許之

十七日丁非晨晴已後致晴霞繾 得伯寅尚書饋銀三十兩并越三子集

二十五部即復 市底送櫻桃來 作書致梅卿饋以櫻桃一包越三子集

兩部 作片致致夫致介唐侯贈以越三子集 再得伯寅書言二十日即

行 作書致致夫為若翁取還漢書注校補一帙 得梅卿書 得若

文書即復 作致伯寅尚書書自正月緩文化去感念平生滄浪無已以伯

寅貴盛賓客甚多素惡見人故稀而問近聞將發念逝傷離歎分雖

縣交契已舊故以長牘略叙所懷 曾君表來 得江敬所書乞余原

辰行卷 作書致鐵香以春奉奉米崇託轉交興平倉支取 閱過庭錄

章碩卿新刻誤字甚多

師鈔閩浙總督何璟等奏請以福州府遺缺知府光祈補授福州府知府以

候補班前補用知府袁開柝補授福甯府知府 光祈烟城人乾隆二十六年進士由庶吉士至戶部員外郎袁開柝臨樂平人由軍功加捐

署雲貴總督岑毓英等奏請以知府田九江直隸州知州傅鳳賜升補永昌府知

府 傅鳳賜山東昌邑人從一品蔭生

辛巳戌辰霽午散晴下午霽霽角晚雨 作書致江敬所贈以康辰行

卷兩本越三子集兩部 董硯舫來 張夫來 心雲來 夜密

雨有雷電 是日始去風門易以竹簾 得簾錢二千七百五百

邸鈔

上條向來已革人員似不准用頂戴近有仍行戴用者殊屬非是嗣後官員

因事降調如曾經賞加頂戴仍准戴用至革職人員概不准戴其有棄職錄

用因案開復及捐復者均不准仍用前賞頂戴以肅體制

十九日己巳晴有風後雲甚涼 上午詣法源寺送斌丈靈輻懸

伯寅尚書久談而出詣心雲君表鏡江醉香俱不值遂歸小食舖復出門

詣教夫小坐詣光甫致夫王廉生均不值詣子培久談詣楊雪漁不值詣

梅卿董視舫而歸 昨日庚辰庶吉士散館六員其廉為本賦以光聖之

貴廉也如此為韵詩題清風玉樹鳴得鳴字却陵川原古上元學士遺山

詩黃山與黃華雙鳳高踏澄清風玉樹鳴千古一輝映黃華指玉鹿為黃

山不知何人也閱卷為景尚書畢道遠郎亨儔評應駮等仲彼一等一名袁鵬圖

張之藩

蘇開錫外孫家錄

五折今整坊緯

三等五名首尾皆浙人楊正甫王廉生徐琪皆一等桂卿在二等十九名於浙人辰

第五可望雷館王醉香漢紫泉皆二等後矣長州王頌蔚於庚辰庶常中文最

工亦在二等後廣西于式枚湖北左紹佐賦皆四紙較它人倍長于以詩用後庭

名詞
花左以賦末段用純亦不已句雙拾于在二等末左在三等于有文學可惜也

袁賦亦盈三紙以首曰 聖天子睿鑒云云 又以 列聖字三拾詩亦有

三拾遂居末矣 毅夫來在談 侍奉後六千 爽味來

二子曰庚午晴晨夕甚涼 作書致毅夫 作片致毅夫心雲君表

得彼夫書 得君表書 毅夫來 君表來 心雲來 鐵香來

正甫來 得王于獻四月五日郵縣書及沈曉湘元去年六月三日龍泉學

舍書 杭人高騫麟新得直隸試用道又于評新分陝西司主事劉學慎

俱來投謁

所鈔

命
協辦大學士李鴻藻侍郎奎潤錫珍貴恒嵩中內閣學士張家驥署侍
郎順天府尹周家楨署左副都御史翰林院侍講學士張佩綸為於未殿試
讀卷官

翰林院侍講學士溫紹棠轉侍講學士右庶子汪鳴鑾升侍講學士

二十日庚未晴

致夫來

致夫來

下午詣奕球小坐遊詣燕喜

坐赴使夫桂卿之約觀侯拾珊余塘一劇熱不可耐至其客坐小憩窗几
雅絮淪茗啖點心晴邀桂卿致夫飲士僕家再看新人斜日在簾
愈覺妍媚繡牀側坐鏡檻寫嬌蓮兒雙織蘭通一笑足侮燕文仕女

圖采招霞芬左飲夜二更後歸

付玉樽酒果筵四十千賞其僕千千
容車六千車八千

二十二日壬寅晴

磨牙疇未言明日行

楊雪鴻來

作書致梅卿詢

其令郎 殿試事狀

以龍眼若并松花非乾菜饋介唐夫人還若菜

作書致毅夫

得毅夫復梅卿復

書至來

作書致子疇

心雲

昨來以余所屬陽湘注

學齋家霞川花隱四字至草注君用雙鉤為之筆法

見選

甚精今日致書心雲屬中意也

吾越章氏皆祖琅邪王其譜牒云王名仔

鈞南唐初營招討制置使金紫光祿大夫檢校太傅上柱國武甯郡開國伯宋

宣和元年追封琅邪王謚忠獻其妻楊氏封勃海郡君賢德夫人宋宣和中追

封越國夫人全活建州一城百姓因世居練湖故稱練夫人又云仔鈞祖及南唐康

州刺史始遷浦城為始祖父隋南唐福州軍判官又仔鈞妻楊之次尚有董

氏封魏國夫人考東鄰事略章得象傳云世家泉州高祖仔事閩為建州刺史遂居浦城其夫人陳氏有智識仔嘗出兵二將後期欲斬之夫人殺之得免二將後任南唐為將攻破建州時仔已歿夫人居建州二將遣使厚以金帛遺夫人拜以一白旗授之曰吾屠城夫人植旗于門吾以戒士卒勿犯也夫人及其金帛并旗弗受曰君幸思舊德願全此城必欲屠之吾家與眾俱歿身不願獨生二將感其言遂不屠城君子知其後必大宋史得象傳作高祖仔鈞但云事閩為建州刺史道家浦城而已舊五代史馬陸南唐書皆不載其事惟吳氏志伊十國春秋閩下有章仔鈞及其妻陳氏傳云仔鈞先世居汴至宋兵部尚書世徽元嘉初守泉州始家於南安唐原州刺史及由南安徙浦城及至福州軍事判官修修生仔鈞王雷知鎮閩奉授高州刺史檢校太傅西北面行營招討制置

使屯成浦城累加光祿大夫持節高州諸軍事平後贈金紫光祿大夫上柱國

武甯郡開國伯忠憲王弟仔劉練氏累封勃海郡賢德越國夫人有子十五

人自注云章氏世系碑云十八子仁坦仁嵩仁燧仁昉仁澈仁郁仁政仁愈仁鑑仁肇仁激仁耀仁

祐仁闡仁坦仕南唐至檢校司徒建州刺史孫六十八人其叙釋二將事尤詳且

云二將者或言一為行軍招討使邊錡一為先鋒橋道使王建封也按吳氏

自記所引書目有章仔鈞族譜此蓋即出章譜之文陳氏仲魚誤續唐

書因之庶所叙官爵多不足信劉宋時有七兵尚書無兵部尚書其時無作名

亦無泉州無南安縣今之泉州南安縣時為晉安郡晉安縣至隋時始於今之

福州置泉州始改晉安縣為南安縣至唐睿宗時始置今之泉州且劉宋時祇

有刺史無守名仔鈞在閩而高州在嶺外屬南漢何以得持節高州諸軍

案

封爵有縣伯無郡伯唐制縣公上始有郡公宋制始有郡侯仔鈞止屯浦城何

以加西北面行營招討使所云西北面者何地之西北面行營者何處之行營唐制

光祿大夫從二品金紫光祿大夫正三品何以由光祿大夫贈金紫皆明是後人不識

官制地理者所偽造至唐自中晚以後至五季宋初檢校官固極濫也亦罕加

三師者仔鈞僅一戎將亦無檢校直加太傅之理邊徼昇州人陸氏書云金陸人王建封上

元人皆南唐土民未嘗入關且僞起家為烈祖通事舍人終懿文臣未嘗為

軍校蓋仔鈞名當從宋史其事當從東都事略最為可據以建州刺史元

浦城卒後其妻子居建州雷南唐之破王延政所釋二校適在行間適有友

旗免屠之事賢德夫人之封或在南唐由其兩子貴時所得其時如吳越武

肅王夫人吳氏封貞德夫人文穆王夫人馬氏封莊睦夫人忠懿王母吳氏封順德

方

卷

上

太夫人志懿王妃孫氏封賢德順睦夫人又梁來溫封張全義妻儲氏為賢

懿夫人則當時自有此制至云宋宣和中仔鈞進封琅邪王諡忠獻練進封

越國夫人則不可考矣又言練氏本楊姓則諾書皆不言章世傳譜或有所嫁仔鈞

多子必非練一人所生譜言更有黃氏或亦可信至仔鈞祖父皆以為南唐官則

又後人誤加南字耳其它宋人說部若葉夢得石林燕語言章邵公高祖母

練氏其夫均為士審知偏將領兵守西巖云胡騎耕錄彙言章邵公得券之

高祖建州人任王氏為刺史院章太傅其夫人練氏智識過人云沈括夢溪筆

談言至延政據建州令大將章某守建州城其妻連氏有賢智云所叙釋將

全城事大略相同其若氏小異出於傳聞當以宋史及東都事略為正葉氏謂

均十五子五為練氏出邵公與申公皆其後也胡氏謂太傅十三子其八子夫人

政家史卷三言一葉頌傳類
為三國史到官口世里城
使劉美事王為王家侍
宗旨世知宜則其種始歷
遺傳御史以葉謂昭宗
遺則部中慶友則官使
契丹至崇隆館奔其下不
不孫某自有傳葉傳本
且止此祖類自有傳此修
史者以此不相論理之修
不葉傳所叙類官亦與類
傳不合類傳不言祖父
蓋以前無類者

所生也及宋興子孫及弟至達官者甚眾餘五房子孫無及弟者其後亦八房

子孫出繼五房耳 攷申公即子厚 傳 宋史又有樞密葉狀元衡亦皆仔鈞後

葉傳云祖頌為侍御史許章獻在旨黜官父封案以叙得葉法為孟州司

參軍試禮部第一是案為省元得象傳云父與其家世約略可得案有七子

其第三子鯨官龍圖閣直學士嘗知越州今會稽章氏皆鯨後也要之仔鈞事

無可取練氏自為奇女子宋人爭相傳說事必非妄至今子姓甚盛科名不絕

食報亦為豐矣嘗怪唐初發人汪華史亦無傳其始隋末竊據故郡不過草

澤之雄而生以降唐保越國公之封物至趙宋膺英顯王之號今東南汪氏皆祖

之仔鈞霸國偏禪終於成將而亦沒官王封今浙閩章氏皆祖之其人於易

姓之際皆在若存若昧之間而遺澤至此不可解也余感友多章姓自幼聞其

東都古史傳本葉不得考

此事案傳李中丞傳有考

此葉法為孟州司

此葉法為孟州司
與宋史無異
孫字至將作
與宋史無異
與宋史無異
與宋史無異

祖為琅邪王而事無所見即章氏長共亦言王立功時代無可考書闕有間

數典多忘故為博考而詳辨之將以詒章氏子孫俾刻之家樂焉 吳氏陳氏不知

列擇據和譜而事之書彭氏雲福劉氏金門注五夜史編采石林燕語諸說部而不知引東都事略皆失之疏

郎鈔雲貴總督劉長佑至京奏病難速痊懇請回籍就醫

紹劉長佑准其開缺回籍調理俟病痊後再行來京陛見

戶科掌印給事中劉瑞祺授福建督糧道

二十三日癸酉晴晡露有風竟晦是日熱甚 金銀藤花開 買石櫛

樹四盆 鬢頰 徐仲佳約明午飲 楊正甫約明晚飲 作書致江

敬所饋乾菜煮肉一器 作書致荊翁還所借書 朱桂卿來 閱

宋史 夜睡 付石櫛花錢十五千

師鈔

內閣侍讀學士熙敬為太常寺卿

二十四日甲辰晨及上午霧午散晴下午晴雲相間有風晡後霧 上午過教

夫齋頭小坐 作片敘存仲佳辭飲 教大來 閱宋史 孫成敏河會

稽先賢也仁宗朝治邊威名最著其官臺諫及副樞密皆有風節而晚年坐

按劾被廢東都事略但言在杭州貪縱不法所刺配人以百數嘉太會稽志

則云在杭州姦僧猾民不少貧怨誘紛起卒以御史彈奏被責而宋史簡載

其事云使若妻河在處州時於游人中見白牡丹者遂誘與姦及在杭州嘗從

蕭山氏鄭号市紗号高其直會号買紗有隱而不稅者事覺河取其家簿

記積計不稅者幾萬端配隸号它州州人許明有大珠百兩妻弟邊垸以錢三

萬三千強市之河愛明所藏郭虔暉畫鷹圖明不以獻初明父禱水仙大
王廟生明故幼名大王兒河即捕按明僭稱王取其畫鷹刺配之及河罷去明
詣提點刑獄斲一臂自訟乃得釋杭州人金氏女河白晝使吏平輿致亂之有趙
氏女已許嫁莘旦河見之西湖上遂設計取趙女至州宅與飲食臥起所刺配人以
百數及罷盡去其按後有訴冤者多以無按不能自解在并州私復使吏平往
來青州麟州市賣紗絹絲紙藥物官庭列大槌或以暴怒擊訴事者嘗
剔取盜足後筋斲之奏至乃責富國節度副使監司坐失察皆被誅然又
云英宗即位與執政議守邊者雜其人參知政事歐陽修奏河向守環慶養練
士卒招撫密吏思信最著今雖七十心力不衰中間會以罪廢然宜棄瑕使過
遂起知河中府會稽志以為韓琦作相薦之使其所按果實則淫虐已甚韓歐

宋史謂漆崇修自放
簡忽於事與鄧綽運
使身參不相能遠判
派內經參劾其借官翰
作酒以私貨往河東買
易及漢武受饒歸市
下大理議漆乃未嘗受
而外廷均謂漆有罪
然則觀呂之所生則元規
之事益明呂字齊以揚
州人仁宗寶元九年狀元

大賢何以為之復起且宋史又云西居官以才力聞疆直少所憚然喜宴游女色
故中間坐廢妻邊氏悍妒為一時傳夫既有悍妻何以能所至縱淫蓋當時
所按之迹亦由文致不皆盡實大氏元規為人剛豪自遂不修小節或峻法立威
致恐者多施志之言雖為鄉賢諱亦不論也東都事略盡削秦按事狀史裁
嚴潔實勝宋史至宋史傳末云初陝西用兵朝廷多假邊帥倚以集事近臣出
帥或驕恣越法及河廢後真定路安撫使呂漆繼得罪自此守帥之權微矣數語
則扼要之論益於元規之廢有深慨於時事焉此宋史佳處 宋初士夫學者謹
守漢唐諸儒傳注之學如杜篤聶崇義邢昺孫奭以至丁度實昌朝宋祁兄弟皆
然自歐陽文忠劇違父始漸變其說宋史楊安國傳云安國講說一以注疏為主無
它發明引前部但世或傳以為笑尤善辯書及注疏所引緯尊之與經等上安國

承其父光輔之學又為孫宣公所薦在經筵二十七年仁宗倚其淳質此崔遵度
傳中載其講易鼎卦履餗及周官大荒大札兩事因事納志簡而有要極得漢
經師家法何有鄙但可笑之事講經身依注疏自是正學取緯解經尤是通儒益
自歐陽欲剛正義引緯之說興到至南宋遂視注疏為土苴故史家有此等謬說
也安國字君倚密州安丘人官至給事中年七十餘卒贈尚書禮部侍郎

是日殿試宣進前十名狀元陳冕宛平人己亥舉人祖籍山陰楊眼壽者

禮部侍郎宗室松森之子探花管送獻懸城人二甲一名朱祖謀歸安人去年北

楊梅卿未言其子在三甲一百名外 正甫未催飲聚寶堂晚赴之也

二爰後歸是夕露 付平錢五十霞玉等車 年

部鈔

詔岑毓英實授雲貴總督張兆棟實授福建巡撫

詔雲南騰越鎮總兵李文益著即開缺以岑毓英奏其請假回籍久未到任且官聲平常也

張松林補授雲南騰越鎮總兵

辛丑日己亥晴夜露歛熱晡後露角晚小雨 乘冰來以滁州石刻歐陽

文忠像未拓本為贈 馬蔚林來 杭人諾可寶孝廉以康辰所屬畫

摺扇未還作墨筆水僊數枝甚劣不足觀又以余舊藏松閣本食韻篇

二十年前為譚仲修借去者今陳藍洲屬其附還余作書復之 得沈子

培書見示刑部正月廿六日奏河南覆奏王樹汶案隱飾情形疏二月十日奏河南

審理王樹汶案矛盾情形疏全昨見邸鈔李鶴年請更定王樹汶罪名疏負氣

強耕跋尾恣肆令人髮指今觀刑部兩疏其指駭李鶴年詞亦頗峻惜未從
訊王兆蘭馬永修與鎮平知縣馬着面質故致游辭之攻也即作復書

毅夫來光甫來

得江敬所書并近詩一首殊不工

夜風頗涼

閱宋

史

寇賊傳云城少孤鞠於祖母王氏及登朝以妻封邑回授之朝臣得回封祖

母自城始李虛己傳以南郊恩封羣臣母妻虛己請罷其妻封以授祖母詔悉封

之世以為榮此後世四品以下賜封祖父母之始

余清傳云太常博士茲孝標告

請少時嘗犯法被勸請因左遷分司南京章頌傳云宜州守詒頌子許嘗被刑

而冒奉為秘書郎

有校書

頌坐謫此後世應試及入貲者保結中例有未嘗犯事受刑

一語亦在法也

章頌傳又云與弟頌皆以進士試禮部預選會詔兄弟毋並舉

頌即推其弟棄去後六年乃擢第案仁宗後如宋元憲景文兄弟亦並時擢第

頻事在真宗天禧以前此制不知何時始弛然考唐時無兄弟並舉者五代及宋亦甚

夥南渡後始妻見之蓋非古法今人以此等為佳話不知古反以為禁矣今科江蘇通州顧曾坦及其子

儒基與弟曾傑同捷進士嘉定泰陵章慶揚兄弟亦同捷
殿試二甲第十七十八連名丁丑善化結宗毅宗錫兄弟亦二甲第一第二連名 齊廓傳廓字公闕越

州會稽人舉進士第累遷提點湖南刑獄弟唐為吉州司理參軍知越州蔣堂奏

鄔及唐父母垂共寤居鄉里二子委而之官唐復久不歸者於是罷唐令歸侍養

此後世有兄弟侍養若不去官之制 呂端傳端由樞密直學士拜參知政事歲

餘左諫議大夫寇準亦拜參知政事端請居準下太宗即以端為左諫議大夫立準上

宦端先以右諫議大夫為開封府判官坐事左遷衛尉少卿無何復舊官復舊官若

即復右諫議大夫所謂寄祿官也開封府判官樞密直學士參知政事皆職也端拜

參政而官仍右諫議故請居左諫議之下 張秉傳云秉在太宗時以度支員外郎

知制誥判吏部銓知審官院唐朝故事尚省首曹軍兼掌誥多選為行內諸曹郎
至是用此制其後進改多優遷首曹遂墮舊制矣遷工部郎中依前知制誥真
宗嗣位進秩兵部郎中審南省首曹如吏部四曹首為吏部_郎戶部四曹首為戶部
郎之類行內諸曹郎者如吏部之考功司勳_司封諸曹郎戶部之度支金部倉部
諸曹郎之類行者如吏部兵部為前行戶部刑部為中行之類唐代郎中員外郎
皆執事官與宋元豐以前皆為寄祿官者吳首曹事餘故不兼掌誥知制誥者
選為行內諸曹郎如本吏部郎中則選為司封等郎中本戶部郎中則選為度
支等郎中本兵部郎中則選為駕部等郎中是也首曹謂之頭司其餘謂之
子司子司事簡故可兼內職宋初郎中員外郎皆寄祿官止以叙遷無職事故
不依唐制至是用此制者兼以度支員外郎知制誥蓋本為戶部員外郎也史

少叙此一司使不可解至判吏部銓及知審官院皆所為差與官無涉其後遷工部
郎中依舊知制誥乃遷後行首曹矣進秩兵部郎中乃遷前行首曹矣皆所謂
墮舊制也作史者以沿襲舊文而未明官制 王洙傳云初舉進士與郭稹同保

人有告稹冒祖母禫主司欲脫洙連坐之法洙謂曰不保可易也洙曰保之不願易遂
與稹俱罷為序後世豈有知此等事者乎宜風俗日偷而科名愈壞也古人期喪
皆不應舉明代始弛其禁而士夫以清議為重未敢公然行之至今日而全國同年
中有翰林居父憂滿喪甫三日已在都考試差若其浙江原籍服闋咨文於喪中闕
通書吏豫書年月為之巡撫不舉發吏部翰林院不駁語竟得貴州學政以去前
日陳御史疏請慎簡學臣有短喪虧行之語指此人也又辛未探花若亦此人同縣
人母死不報其卒未會試日猶在喪期中鄉里人人能言之 張存傳云存性孝

友嘗為蜀郡得奇繒文錦以歸妻布於堂上恚兄弟擇取常曰兄弟手足也妻妾
外舍人耳奈何先外人而後手足乎棗疆河法勢偏莫城或勸使它徙曰吾家眾
所望也苟輕舉動使一州吏民何以自安託不徙兩事所言皆淺而有味吾越誘
有曰兄弟如手足妻妾如衣服其語尤名貴衣服亦人所必需然可更置非如手足
不可易也存字誠之仁宗時官至禮部尚書卒年八十八諡恭安 張洞傳云洞調順

州推官民劉甲者強弟誅使鞭其婦 既而投杖夫婦相持而泣甲怒逼誅使再
鞭之婦以無罪死吏當夫極法知州歐陽情欲從之洞曰律以教令者為首夫為
從且非其意不當死眾不聽洞即偃疾不出不得已謝於朝果如洞言奈何以文
志之賢而蔽獄之誤如何怪於今日不學徇私之疆吏然使在今日必坐此婦以悖
逆而甲為教訓稱為過誤則兄弟皆脫然事外而婦冤沈里地矣洞字仲通祥符

人論建甚多仁英間名臣也官至工部郎中淮南轉運使

師鈔

上諭

崇綺奏查辦案內職官侍符狡辰請革職嚴訊茲將安證嚴拏解審一摺

河南候補知府劉光煜著先行革職嚴行審訊樂亭縣生員趙健邦著直隸總

督飭屬嚴拏解質毋任遲延

御史李暎選湖南寶慶府知府

二十六日丙子晴竟日大風橫甚晚稍止

閱宋史

蔣堂傳堂知益州慶

蘇初詔天下建學漢文翁在室在孔子廟中堂因廣其舍為學宮選蜀官以教諸
生士人翁號稱之又建銅壺閣其制宏敞而材不豫其內既半乃伐喬木於蜀先主惠
陵江濱祠又設后土及劉禪祠蜀人浸不悅久之或以為私官故徙河中府遂則後主

宋以前蜀亦有祠也 狄斐傳云斐子遵度字元規嗜杜甫詩嘗讚其集一

夢見甫為誦世所未見詩及覺纔記十餘字遵度足成之為佳城篇後數月平

此事徵少陵事者從未言及 郎簡傳云簡字叔廉杭州臨安人以工部侍郎致

任喜賓客即錢唐城北治園唐自號武林居士道引服餌晚歲顏如丹孫西和

杭州橋其門曰德壽坊一日謂其子絮曰吾退居十九年未嘗小不憚今意倦宜將

逝與就寢而絕年八十有九致簡與孫和清同時今西湖處士人皆知之而武林居士

無能言者此名位不及節行也 孫永傳云永十歲而孤祖給事中冲列為子行陰

將作監主簿冲卒喪除復列為孫致宋制凡為主者皆升為父同行至神宗始緣

英宗意革其制而非尚主者亦私為之如冲永事尤可異也 蘇頌傳云神宗

嘗問宗子至祭承重之義頌對曰古者責賤不周禮諸侯大夫世有爵祿故有

大宗小宗主祭承重之義則喪服從而異制匹夫庶人亦何預焉近代不世爵宗廟因而立尊卑亦無所統其長子孫與眾子孫無以異也今五服救嫡孫為祖父為長子猶斬衰三年生而情禮則一死而喪服獨異恐非先王制禮之本意世俗之論乃以三年之喪為承重不知為承大宗之重也臣聞慶祿中朝廷議百僚應任子者長子與長孫差優與官餘皆降殺亦近古立宗之法乞詔禮官博士參議禮律合承重者酌古今收族主祭之禮立為宗子主祭者異於眾子孫之法士庶人不當同用一律使人知尊祖不違禮教也案子容此言深明禮意今父為長子斬衰之服既殺而適孫為祖猶稱承重凡為訃狀越列諸父之前甚非禮也近儒陳見復等亦嘗論之余謂去適孫之承重及沈子敦謂今世出繼者不當降所生服皆持禮之名言余又謂凡出繼者如所繼父母已卒皆各令追服三年庶使利

寡婦之貧者亦稍申報本之誼亦厚風俗之一端也

又十七日丁丑晴熱

閱宋史

取玉人所琢印章付錢子四千其所刻未

真拙甚

午入城拜翁叔平師

壽

不晤送祝敬二金節敬二金皆不收卷

詣徐仲凡鄭蓮卿朱桂卿皆不值晡歸

致夫饋蓮子兩匣松養

四片作書復謝橋使三千

付車錢五千

二十日戊寅晴熱旬晚風比日辨色即起坐籬下聞金銀藤花香清絕

如入蒼筤林

閱宋史

作片致款夫約乘早涼入寺為霞外之游 饋

書王夫人節物

仙洲夫人饋節物

下午詣興勝寺晤光甫久談至台

州館訪致夫蔚林款夫亦來旬晚答詣兩鄉人致夫避同致夫夜飲聚寶

堂初更歸

付車錢五千

部鈔

兵部尚書瑞聯工部尚書符同蘇教習於木料庶吉士

侍講學士汪鳴鑾為山東學政

今革廣東高州鎮總兵莫雲成職以曾國荃劾其營務廢弛庸劣不職也

以前貴州古州鎮總兵張得祿為高州鎮總兵

詔此次散館修撰黃思永編修余聯沅曹詒孫業經授職二甲庶吉士黃紹箕等

四十三人俱授為編修三甲庶吉士蔣式芬等三人俱授為檢討武吉祥等二十二人

俱以部屬用劉煥等十四人俱以知縣用

浙江留館五人黃紹箕藍柏緯徐琪儲成博朱福說而湯魁和王蘭漢子濠用部屬袁鵬圖用知縣江蘇楊崇伊

山東王鈺榮江蘇龐鴻書廣東梁鼎芬張鼎華俱留館江西鄧廣平江蘇王碩蔚庶吉士朱致綬湖北在紹德俱用部屬四川毛徵用知縣河南丁家霖在二甲前輩維翰在二甲後知丁致器留館與張之萬姻親故政府若之也

二十九日乙卯小盡晴

先奉生王父忌日供饋因肴六豆菜肴四豆因羹一薄

荷冰雪饒一時果四盤饅頭一大盤蓮子湯一巡酒四巡飯再巡哺畢事

梅卿來 作書致致夫饋薄荷饒 昨日新進士 朝考叔孫通起朝儀詩

得 字 命李鴻藻等閱卷擢黃松泉第一 閱卷有徐桐為勅袁崇何嵩中賜珍薛允升評庚身張安驍國德潤張佩綸周家楮

鄧鐵看來久談畱之小食 葉更端自廣東寄來所刻林和清像硯題詩拓

本中撫余書一幅頗能逼真 得致夫書惠以根印章一方其鄉人陳桂

舟篆刻霞川老人四字印復謝

五月庚辰朔晴
款露哺後露
閱宋史
君表約明日在款即復

得使大書惠雁山茶氣脯端午餅自泰作書復謝受餅茶
得心雲書

即復
黃松泉來
旬晚詣敦夫齋中小坐歸
鬢頭
夜初小雨

即止本約敦夫君表偕出小飲以興盡而止作書致君表

即鈔

翰林院侍講學士葉大焯轉侍讀學士侍讀李端茶升侍講學士

初二日辛巳已正刻六分芒種五月節晴下午有風
早起坐庭中閱金

石文字
敦夫來使夫來下午偕至文昌聽曲頗佳旬晚歸
得鏡江

書送來所刻印章四方
未同年毓廉來
沈子培兄弟來
君表來催

飲霞谷家夜赴之二更後歸
付文昌坐錢二千車錢五千
饋仙洲夫人節物饋嚴家庭節物弟庭饋節物

初三日至午晴熱甚 作書致鏡江致君表正甫致致夫致致夫俱約今日

夜飲為君表鏡江兩君錢行 得心雲書饋醉魚龍眼即復謝 福

卿來 得致夫書辭飲即復 書王夫人送張姬明日生日禮物受酒一

寶及獨麵桃糕稿使八千 印結局送來前日公費銀六十兩 徐仲嘉

來 為君表書新圖虛鄴后楹帖

跋晉龔寶子碑

龔寶子碑額五行十五字云晉故琅威將軍建寧太守廉府君之墓碑文
十二行行三十字末又一行低四處云大亨四年歲在己巳四月上旬立其碑文下
空一格書立碑掾吏姓名凡主簿一人錄事一人西曹一人都督二人省事二人書
佐二人幹吏二人小吏一人威儀一人凡十三行行四十字皆八分其文云君諱寶

子字寶子建宦同樂人也州主簿治中別駕舉秀才本郡太守春秋廿五後
疾沒官饗蔡氏晉宋間世守南宦事無可紀此碑文甚清雅字尤道美波磔類
發已開唐隸之風旬偕尚字自來未見不令六書通段之法大亨為安帝元興元
年之三月桓玄自為丞相改元大亨識者謂一人二月了是歲在壬寅至次年十一月
玄篡位僞大楚皇帝改元永始次年劉裕等誅玄安帝復位仍僞元興三年又
次年乙巳改元義熙是大亨安得有四年乃至乙巳四月宜州猶用大亨之號亦不可
解晉宋志皆言郡守下置主簿錄事書佐幹小吏等此作幹若幹之省文猶
漢碑之省作干也小吏此作小吏甚分明容筆畫有誤宋志言今有西曹書佐
即漢之西曹書佐者事蓋即錄事見於晉志郡督之名不可解而其字兩見皆
明作督晉志言荊州有監佃督此疑是賦曹捕掾及武猛從事弓馬從事之流

而假借名宋志謂諸郡各有舊俗諸曹名號往往不同此類是也咸儀亦不見
於史或以大亨之統疑此碑之偽則又非也凡作偽者必先按攷時代年月依而
為之晉安帝紀削大亨之號不書何反取之以自昭其闕乎碑文光略敘歷
官而系以辭辭皆四言其末云爰錄斯詠庶存甘棠而終以嗚呼哀哉亦它碑
所罕見碑在雲南南甯府咸豐初始拆得之有江甯鄧文憲商跋

跋魏鄭道忠墓志

後魏鄭道忠墓志楷書所見舊牒本無從得其行款字數其文曰有代正光
三年歲次壬寅十二月己未朔十四日壬申故鎮遠將軍後軍將軍鄭君墓志
君諱道忠字周子崇陽開封人周文王之裔鄭桓公之後魏將作大司下有之
十世孫也本枝碩茂附萼下穠關冠冕相仍風流繼及清靜為治化洽於

榆口考禮鑄泚

疑此數語述其祖父為前種者對裂紋脫落類列其文不全

愛留海曲君口口粹載挺珪璋

美行着於下當闕四字

盛於冠口太和在

下當闕御

海斯歸理翰來儀擇木以

處下有闕

高陽王國常侍所奉承相其人雖義在榮名而醴邀循即循字古

通用此下當有缺字其下又闕二字

任重口職惟

下有闕惟下當有勤字

衛尉丞加明威將軍抑而為之非所好

也會五營有缺俄意在焉事等嗣宗聊以寄息德步兵校尉本

下有闕或即字

通中心選鎮遠將軍汝軍將軍君氣韻恬和姿望溫雅不以口否

滑心榮辱改慮徘徊周孔之門放暢老莊之域澹然下闕簡口一字競當塗

天道茫茫仁壽無證春秋廿有七以正光二年十月十七日卒於洛陽

之安豐里宅知時識順臨化靡傷感足在言素儉為今古之君子

何以尚茲越十月廿六日窆於樊陽山口也乃銘石泉塗式昭不朽

其下銘辭蕭落受多不及前載魏自太祖建國曰魏而其邦人多沿代名至今

碑刻流傳魏代大代之傳婁見壬寅為梁武帝普通三年魏孝明帝正光三年是

年十一月己丑朔十二月己未朔與史皆合惟解文言道志以正光二年七月十七日卒廿

六日定而此題三年十二月十四日者 音 是立石之日曰述標之於首為碑例所

絕無道志事無可攷其字用子取志信為周之誼荑陽字作荑从火足證古人荑

澤決為荑等字皆不以水作蒙近儒金壇段氏之說甚偏魏將作天下字闕後

漢書鄭太傅云河南開封人司農眾之曾孫三國志魏鄭渾河南開封人高祖父眾

无太 范書天傳言眾曾孫 渾官至將作大臣此天下當是匠字繼則渾之十世孫也下云太

和在御薄海斯歸是道志於孝文時由南齊入魏承相高陽王若文獻王雍也

丞承古通用否上闕太字滑即汨字古亦通用

周書鄭孝穆鄭偉傳皆云荑陽開封人魏將作大
匠渾之十一世孫孝穆和道志據魏書大業道志為數
從晉錄世世皆合行為義已述之晉書在晉錄也

跋北周張端姑墓志

此志楷書首一行低一格題張端姑墓誌文云端姑姓張氏原州長城縣人柱國大將軍澄女孫鄆州刺史用之女也室原州以魏正光時即高平縣置州詩之所謂太原也自是迄元皆曰原州今甘肅固原州也魏書地理志言原州領高平長城二郡高平領高平里亭二縣長城領黃石白池二縣無長城縣惟元和郡縣志云原州平涼縣後魏為長城郡長城縣之地今此志明作長城縣足見伯起書於地理據武定版籍所失多矣周初八柱國十二大將軍最為尊顯其姓名載國書史李愔等傳論後云其時念賢王思政亦為大將軍而不與此數厥後拜柱國及大將軍者寔多要皆以元功積闕得之張澄姓名獨無可攷今時張氏顯者甚少蓋史之佚者不知其幾也又云刺史有六女端姑其第四天和四年二月

五日亡於郢州官舍年十有九其年十月廿八日歸葬於高平之

鎮山故天祿四年為武帝即位之九年歲在己丑二月辛酉朔十月丁巳朔

也高平縣為高平郡所治隋志元初志皆云魏太延中改為平高據此志

則高平之名未嘗改矣志文簡質無一儷飾之語亦無銘辭猶見古法

其字畫極謹嚴凝重北碑中所僅見後來褚顏兩文忠皆胎息於此隋志

即百泉縣後魏置長城郡及黃石縣西魏改黃石為長城縣大業初改百泉是長城名縣起於西魏伯起阮視關中宜所不錄唐承西魏故概稱後魏耳

夜君表正甫鏡江敦夫心雲來借梅卿同作主人招霞芬玉僊月珠諸郎

至二更後散付危人賞十二千點心四千客車九千四百霞玉車八千續吳介唐節物汝翼續節物

初四日亥未晴下午散露熱甚始締衣 張姬生日書玉夫人來設飲

款之 龐曲菴同年來 楊芳廉家跡來理菴之子也 米荅生來

致夫來 胡梅生寄惠松江銀百兩梅卿之弟也 署吏送來春季養

廉銀九兩二錢 楊世講送來甬上辨志文會課甄初集分漢學宋學

史學算學輿地學詞章學六集各立一師郡守主之其意甚善文亦指

可觀然經不必分漢宋輿地可併入史學宜立經史文算四學而精擇其

師今所延者黃元同主漢學黃蔚亭主算學差得其人鎮海陳駿孫繼聰

主詞章之學此君亦庚午同年不知其人主史學輿地者慈谿何明經松

孝廉一梅皆非素識宋學所取一卷甚淺陋蓋不足論其實元同亦兼通宋

學此不宜分者耳 付賃屋銀十二兩致孝士周得復

續汝異節物
合唐續節物

師鈔

新科進士一甲三名陳冕壽著管廷獻業經授職外朱祖謀志鈞等七十八人

俱改為翰林院庶吉士呂炎律等八十六人俱分部學習鮑思鏡等十二人俱以內閣

中書用鄭葆清等一百二人俱交吏部掣籤分發各省以知縣即用刑部候補郎

中沈家本等六人仍用原官餘二十人歸班銓選浙江得庶吉士八人黃福焜張頌童祥熊皆與焉歸班三人會稽孫祖華即祖英改

名著江蘇人劉廷燦履試一等七名殿試二第第八名於江蘇居第一以期考卷後而被墨污置三

等後十名亦歸班殿試自三甲一百六十九名後十三人皆歸班而一百七十四名方蒂林以內閣中書至明仍

得守故官安徽謝光典履試三等殿試三甲期考以國家樞識其書拔置一等第二得庶吉士

甘肅張琦期考三等以殿試三甲四十九名引見時居甘肅第一亦得庶吉士尚書閻敬銘子過行

侍郎即子豫子松年皆得庶吉士四川總督丁寶楨子壽鶴本兵部郎中庚辰會試中式今年

補殿試仍分部學習

山東鹽運使林述訓為山東按察使本任按察使潘駿文降三級調用

初五日甲申晴極熱晡後露旬晚雷雨

張夫來 敦夫來 心雲

末 來桂卿來 田吉邨來 書玉來 致夫以貂抹額一事既錦一

匹為張姬壽 小治端午節是合家小飲 霞芬來予以敬節二金又

錢六十千賞其僕十千 王德求予以敬節二金又錢四十千賞其僕十千

賊家人節錢四十千銀三兩番銀一圓席姬錢三十千銀一兩番銀一圓

張甥錢二十千僕人李升錢十六千王媪楊媪各十二千升兒更夫各十千廚人

司馬士季十四千鮑僕林兒五千 付米銀六兩石炭銀十兩紬布銀十兩乾果

銀十兩庖人司馬士容看席錢二百廿一十 聚寶堂酒食錢百六十千便宜坊十千

寶森書坊銀十兩又錢十六千松竹齋紙錢一百十又銀二兩賣花劉媪銀三兩

八錢又錢七十千吳旗媪錢一百十玉人銀五兩縫人銀五兩燈油錢七十千酒

錢卅二十千餅錢卅五千垢水錢三十千 翁叔平師惠銀十二兩作書復謝楊使

郎鈔以翰林院侍讀學士尚賢為詹事府少詹事

初六日己酉晴下午散露自昨得雨後少涼 付衣實藤文藥銀十四兩 昨

乘珠雨中送詩并問舊榻東方朔畫像贊之直息未得復之 閱晉書

本紀及職官志宋書百官志 乘珠來 作書致孫鏡江并還晉龔寶子

碑拓本及跋得復 王康生來

初七日丙戌晴 雜閱三國志魏書北史北周書隋地理志元和郡縣志

光甫來以陽湖趙氏活字本番島李恢垣吏部光廷漢西域圖考為贈 孫

鏡江來 書玉來 晚詣教夫齋中視其疾入見仙洲夫人語其子結姻事

即歸 梅卿挈其子少卿來在談 鬢頭

初八日丁亥晴 作書致鏡江并還北魏鄭道志北周張端始兩志 得彼

夫書屬書紙扇 比夕失眠困勞不支多臥 閱李恢垣漢西域圖考凡

六卷又附錄晉釋法顯等一卷首冠以漢西域圖及地球全圖及凡例十四則大

佛國記

約證今者多考古功少 作書致汝翼致心雲 心雲來 夜早睡

有月頗佳 管惠來 汝翼來

師鈔

上論
御史為培因奏請疏通六部正途人員各摺片著吏部議奏

一清凡部中員外儘缺向章三缺一輪一留補二留題

三途選令據照選法主事章程以五缺為一輪一留補二留題三留補四留題五途選一請總理各國事務衙門司員保舉無論題選皆留題缺即補若現吏部奏定章程每案不得逾三員之數一清六部漢司員題缺凡情事即用人員比照滿員身補選缺不得登實際正途一請庶吉士改用部曹若照知縣職取給選章程於兩缺後插選庶吉士一人一清滿洲進士及散館庶吉士到部若向章不得補題缺擬以一缺歸進士二缺歸庶吉士以免偏枯

山東兗沂曹濟道黃大鶴升山東鹽運使

初九日戊子晴 毀夫來言十六日行 黃松泉庶常來 衡初來言

張叔平前日在出被捉偵是提督番役奉 旨筆人劫骨銀數千始得釋

筆數之下無賴橫行是可駭也張此來固非然謂之潛匿 京師則可謂之

遁逃則不可蓋 朝旨僅令回籍不特非成所潛逃者比亦非交地方官管束不
服官束者比而市魁間子假託隸卒公相劫詐是官吏縱弛法紀蕩然矣比
不懲何以為國不必論其人若何而金吾不戢驄馬無威其咎固有所歸矣
得心雲書 下午出門答拜龐劬菴使過張叔平家視之其門首環土百
餘人遂卻回春詣潘伯馴詣汝翼送孫鏡江行答拜黃松泉俱不值詣
來荅坐濮紫泉小坐而歸 張子虞來

師鈔左春坊左贊善胡喬年升右春坊右中允 右庶子裕德轉左庶子
翰林院侍讀會章升右庶子右贊善貴鐸轉左贊善

補右贊善

嵩峻

山東濟南府知府李嘉樂升分巡兗沂曹濟道

初十日己丑晴下午數露有風 始換冷布窗易莞席 濮紫泉來

朱潛中書來修伯大理之子也 作書致鐵香 汝翼來 閱趙氏金

石錄其餘不載元文致後亡者無從攷見煙緊幸無改者猶存其目耳

汝翼邀同梅卿致夫心雲夜飲便宜坊一更後歸 付冷布及緇紙等錢二十

郎鈔

上諭

御史丁振鐸奏請飭嚴拿惡棍一摺據稱已革給事中張觀準於四

月二十八日夜在南橫街被惡棍多人持刀圍截將該革員閉置車中拉至

僻隱地方考禁勒贖至本月初二日始行釋放等語鞫之下竟有棍徒橫

行藐法已極該地面官所司何事若步軍統領衙門順天府五城御史飭屬

嚴緝拏務獲究辦倘限滿無獲即行嚴參革員張觀準前有旨勒令

回籍何以尚未出京若即勒令迅速回籍不准再行逗留

上諭都察院奏江蘇職貢王爾珏等呈請永禁勒充甲長一摺該職貢等所
借江陰縣應徵銀糧勒令甲長分任催追賠墊苦累等情著江蘇巡撫查明
如果屬實即行永遠禁革以除弊端另片奏王爾珏等呈內粘附八條干預地
方漕務傳詢出結官余思詒據該員與何彥達赴該衙門聲稱呈係王爾珏
所擬與何彥達等商遞王爾珏現在患病赴通州就醫陳熙治吳德培均已出
京閃爍支離顯有情弊等語該職貢等所呈各條有無假公濟私情事著
該部即飭教習王爾珏郎中何彥達回籍並列名之中書陳熙治教習吳德培是
否與聞一併由江蘇巡撫傳訊明確具奏余思詒於陳熙治等是否在京並未查詢
奉行出結並給王爾珏等遞呈後不候具奏聽其遠出殊屬非是著交部察議

十一日東寅晴下午霽 作書問毅夫疾 為心雲書直幘四幅楹帖

一聯摺扇紙扇各一 為毅夫書楹聯一即作書致之

十二日辛卯霽涼頗佳 作書致心雲并所書聯扇等得復 心雲來

辭行 約心雲致夫管惠農沈子培子封兄弟早飲便宜坊長刻先往待

至午後始集下午歸 陳冕狀元來 張筠庶常來 續毅夫

葵筍香醬 夜得心雲書以書箱一籃筐一寄余寓中三年一試其

志甚銳然余已衰矣一千一百日果居然亡恙乎亦聊以自壯也 付酒保四千半飯三千

師鈔

上諭 巡視中城給事中安祥等奏筆獲要犯請飭交刑部嚴訊一摺所有訛詐給

事中張觀準案內人犯孫朱氏等三名口及張文溥余之塗張七竝墟房蘇培顯均著交刑部嚴行審訊按律懲治未獲各犯仍著步軍統領衙門順天府五城御史一體嚴拿務獲歸案究辦張觀準著聽候傳質一俟質證明確即行勒令回籍
委散秩大臣副都統世襲三等承恩公文壽照兵部議革去委散秩大臣鑲藍旗蒙古副都統加恩仍留公爵罰世職公俸二年以孟夏時高
太廟分獻
西廡御史陳啟太等劾其跪伏失儀也

內務府郎中惠志校山東濟南府遺缺知府

直隸試用知府朱采授山西汾州府知府

本任知府林煥極告病

十三日壬辰蟻土午霽澂有小雨下午晴
心雲晨來辭行
遣人至

市買州花數種栽之 得致夫書以其同邑李藻所讀紫藤花下讀

書圖為贈作書復謝 作懷沈晚湖龍泉詩 為致夫書圖扇 為

黃仲致書團扇印 以一詩為贈 作書問鐵香疾 作書汗扇致致

夫得復 閱三國志 是日圖中始聞新蟬

得曉湖司訓龍泉書卻寄

籃與垂若見風流佛影經帷兩白頭 澗水西來通潁潁 閩雲南起對書

樓一因官棠供山縣 來書言歲入穀三千斤米三百石 千里鄉程入劍州 龍泉宋時曾立劍州其地有千八百建南城縣若蜀中設有向

劍州之傳 何日各成歸隱計 湘塘壽勝結盟鷗

贈同羊黃仲致編修 紹興

今皇三榜啟唐辰 同籍同年廿五人 君有才名傳世學 戎於交誼倍情親 汗

顏李卸辭華選作賊黃滔絕等倫
唐長編考第一報
國文章原易事無

雙江夏出貞臣

十四日癸巳晨日出旋露有風竟日晚霞甚麗
張子虞來及談 同

年褚百約編修成博來
得彼夫書乞為官惠農書府
得馬蔚林書

言前日以入署不赴飲之故此君之謹人也近來台溫殊多善士
夜涼

邸鈔

上諭 謙德奏佐領在協領私宅自成一摺據稱本年四月鑲藍旗佐領福祿在左翼

協領音登安私宅自成一摺據福祿交甲兵講福遞呈一件取具音登安親供請

旨查辦等語案關職官自成一摺呈訴多款亟應澈底根究以成信讞著直隸總督

派委司道大員前往逐款詳查據實具奏不得稍涉含混原呈親供著發交該

督查照辦理

十五日甲午晴有風下午稍霽

黃仲復來

為管忠裝書紙扇即題

其扇上所畫古木寒鴉詩二首

晚霞如昨麗夜教月多雲

毅夫

來夜談

作書汗扇致彼夫

偶題古木寒鴉小景二首

小○幅○江○邨○景○最○幽○幾○間○瓦○屋○俯○寒○流○稻○達○斜○照○低○眠○犢○凌○野○輕○烟○欲○渡○鷗
水○檻○平○看○遠○岸○樹○風○帆○峭○帶○數○峯○秋○歸○鴉○似○與○吟○情○會○蕭○瑟○蘆○花○寫○岸○愁
廿○載○江○鄉○繫○夢○思○鏡○湖○紅○樹○雁○來○時○墟○烟○上○又○魚○艇○山○翠○寒○侵○放○鴨○池○略○約

晚○霞○入○畫○遠○邨○宜○詩○不○作○承○平○憶○待○遊

十六日乙未教晴間雲有風

彼夫來言後明日行

馬蔚林來

閱宋氏過庭錄 作書致彼夫 哨後過叔夫齋中談 梅卿來

夜有風甚爽是夕望始有佳月

郎鈔工科給事中鄧承脩轉戶科掌印給事中

十七日雨申晴熱下午有風 庭樹有鳴蟬 汪柝門學士來 兩得

教夫長約今夕出飲 作書致梅卿為其長郎改闡藝前事篇 作書致

沈子培 得彼夫書言十九日行 錢竹汀氏嘗言近世有小說之學凡市井

偽造故事傳之優伶最近以惑耳目而壞心術此竺論也安溪李文貞有請正樂

府疏欲選擇翰林諸員能文詞者取古來可感發之事被之管弦令天下傳演而

悲禁誣妄淫褻諸劇其事若行誠轉移風俗之大端而議卒不成余謂今日

它即不能禁而凡演古帝王聖賢者會其律例俱有嚴科今樂園中於漢

世祖唐太宗宋太祖宋仁宗皆本之市井耕官所謂東漢說唐諸書極意誣
而於唐偽造薛仁貴家世事以仁貴為江夏王道宗所陷於宋偽造楊業呼延
贊家世事以潘美為巨奸尤為悖謬此有地方之責者出一紙嚴禁即可立止
而莫之為意不可解也近日俞蔭甫著湘樓筆談謂薛仁貴楊業兩家子孫於
史無聞則又大誤仁貴子詢相高宗武后誣昭定為名臣其後薛為奇父世為節
鎮舊唐書言高為仁貴子建玉之子
以時代計之差合此其後最顯楊業子孫葡載宋史其第六子延
昭之名尤著東都事略亦載之今略錄宋史楊業呼延贊二傳於此以兩家為
黎園所盛傳天下士夫以及婦孺無不知者而共誣特甚楊業事見諸家續通
鑑略讀書者猶能知之故錄從略呼延贊名行不載東都事略惟見宋史及
隆平集世人鈔有讀二書者故錄之稍詳焉

楊業 十國春秋云業本名繼業北漢睿宗賜劉姓比於諸子及降宋太宗復其姓止者業 并州太

原人父信為漢麟州刺史 案同時有三楊信一楊承信通鑑亦作楊信蓋任漢時避隱帝承

今小說以業為楊家子致遠有武定節度使故事今楊家應歷四年 業任俠善騎射弱冠事劉

崇為保衛指揮使以驍勇聞崇遷至建雄軍節度使屢立戰功所向克捷

國人號為無敵 東都事略無敵上有楊字案業在晉以劉為氏安得有楊無敵之稱此當從宋史又

原驍將楊業領突騎數百來犯進挺身逐業麾下數人隨之業走入城壕 太宗征太原素聞其

名嘗購求之既而孤壘甚危業勸其主繼元降以保生聚 案事略云太宗征太原

苦戰及繼元降太宗聞其勇欲止之令中使諭繼元以招之業乃北面再拜大鴻釋甲來見業又本之當

日國史據續資治通鑑長編引國史楊業傳文與此同又引除鄭州防禦使制辭有云知金湯之不保慮玉石

以俱焚定策乞降委質請命忠於所事善自為謀以為與九國志大不同是李氏亦疑國史之非實十國春

福湯業乃大鴻云亦從九國志及事略改諸書 繼元既降帝遣中使召見業大喜以為右

皆言勸降若為繼元故秘宗使馬革無云業若

事略及十國
春冰暗作左
領軍衛大將軍師遷授鄭州刺史事略作鄭州防禦使帝以業老於邊事復

遷代州兼三交駐泊兵馬都部署會契丹入鴈門業領麾下數千事略作百騎由小徑

至鴈門北口南嚮背擊之契丹大敗續通鑑云殺其駙馬侍中蕭岫李漢其都指揮使李重誨世李今改譯作多羅十國春冰惟云殺其將蕭

興國五年三月即業降之六年以功遷雲州觀察使仍判鄭州代州自是契丹望見

業強旗即引去王將成邊者多忌之有潛上訪書者帝皆不問封其奏以

封業雍熙三年大軍北征以忠武軍節度使潘美為雲應路行營都部署

命業副之以西上閣門使蔚州刺史王侁案侁字叔權開封浚儀人周樞密使朴之子字史有傳軍器庫使順州

團練使劉文裕護其軍諸軍連拔雲應寰朔四州師水桑乾河會曹彬之師不

利事略作曹彬敗於岐溝諸路班師美等歸代州詔遷四州之民於內地令美等以所部之兵

獲之時契丹國母蕭氏與其大臣耶律漢寧南北皮室及五押場億頌眾十餘萬

前... 元... 三

復陷靈州旣等逼業赴敵業將行泣謂美曰此行必不利業太原一降將分當死
因指陳家谷口曰諾君於此張步兵強弩為左右翼以援侯業轉戰至此即以步
兵夾擊殺之不然無遺類矣美即與旣領麾下兵陳於谷口自寅至巳旣使人登
托羅臺望之以為契丹敗走欲爭其功即領兵離谷口美不能制乃緣交阿西
南行二十里俄聞業敗即麾兵卻走業力戰至暮果至谷口望見無人即拊膺
大恸再率帳下士力戰身被數十創士卒殆盡業猶手刃數十百人事略
作四重
傷不能進遂為契丹所禽其子延玉亦沒焉業不食三日帝聞之痛惜甚贈
太尉大同軍節度使賜其家布帛千匹粟千石大將軍潘美降三官王旣除
名錄金州劉文裕除名錄登州業不知書武勇有智謀練習攻戰與士卒同甘
苦代北苦寒人多服氈罽業但挾纊露坐治軍亭旁不設火侍者僵仆而

名召延昭赴行在屢訪以邊要帝甚悅指示諸王曰延昭父業為前朝名將延昭治兵護塞有父風深可嘉也厚贈遣還是冬契丹南侵延昭伏銳兵於羊山西自北掩擊且戰且退及山西伏發契丹眾大敗獲其將

事略作名王

酋首以獻進本州團

練使與保州楊嗣立命五年契丹侵保州延昭與嗣提兵援之未成列為契丹所襲軍士多喪失命代還宥之六年夏復用為都巡檢使又徙宣邊軍部署景德元年詔益延昭兵萬人延昭上言契丹頓澶淵去北境千里人馬俱乏雖眾易敗願飭諸軍扼其要路眾可殲焉即幽易數州可襲而取奏入不報乃率兵抵遼境破古城俘誠甚眾命知保州兼沿邊都巡檢使二年進本州防禦使徙高陽關副都部署在屯所九年延昭不達吏事軍中謀詐嘗遣小校周正治之頗因緣為姦帝斥正還營而戒延昭為大中祥符七年卒年五十七延昭督勇善戰所

奉賜悉犒軍未嘗問家事出入騎從如小校號令嚴明人樂為用在邊防二十餘年契丹憚之目為楊六郎及平帝嗟悼之遣中使護櫬以歸河朔之人多望柩而泣錄其子官其常從門客亦試藝甄叙之子文廣

文廣字仲容以班行討賊張海有功授殿直范仲淹宣撫陝西與語奇之置麾下從狄青南征知德順軍為廣西鈐轄知宜邕二州累遷左藏庫使帶御器械治平中擢成州團練使龍神衛四廂都指揮使遷興州防禦使奉鳳副都總管韓琦使築筆架城文廣聲言城噴珠率眾急趨筆架比奔至其所部分已定遮明敵騎大至知不可犯而去遺書曰當白國主以數萬精騎逐汝文廣遣將襲之斬獲甚眾詔書褒諭賜襲衣帶馬知涇州鎮戎軍為定州路副都總管遷步軍都虞候遼人爭代州境界文廣獻陳圖并取幽燕策未報而卒

贈同州觀察使

案東都事略無文廣傳宋史卷三百楊政傳云政字樂道保靜軍節度使重勳之曾孫進士及第應官至吏部員外郎三司戶部副使奉使契丹以曾伯祖業嘗陷虜辭不

行政重勳宋史無傳錢氏大昕曰宋史五百七十三有楊美并州文水人官至保靜軍節度使疑即重勳蓋錢氏與美太祖與美有舊堂進守征太原美為行營馬軍都虞候未必為業兄弟也政傳言政出於將家則自為業子姓後人

呼延贊并州太原人父琮周淄州馬步都指揮使贊少為驍騎卒太祖以其材勇

補東班長入承旨遷驍雄軍使從王金斌討西川身當前鋒中數劄以功補副指

揮使太平興國初太宗親選軍校以贊為鐵騎軍指揮使從征太原先登樂城

及堞而墜者數四面賜金帛獎之七年從崔翰戍定州翰言其勇擢為馬軍副

都軍頭稍遷內員寮直都虞候雍熙四年加馬步軍副都軍頭嘗獻陳圖

兵要及樹營砦之策求領邊任召見令之作武藝贊具裝執健馳騎揮鐵鞭束

槊旋繞廷中數四又引其四子必興必改必求必顯以入選舞劍盤槊賜白金數百

兩及四子衣帶端拱二年領富州刺史俄與輔超加軍頭溫化三年出為保

州刺史冀州副都部署至屯所以無統御材改遼州刺史又以不能治民復為都
軍頭領扶州刺史加康州團練使咸平二年從幸大石為行宮內外都巡檢真
宗嘗補軍校皆叙己功或至謹諱贊獨進曰臣月奉百千所用不及半奉幸多
矣自念無以報國不敢更求遷擢將恐福過災生再拜而退眾嘉其知分三年元
德皇太后園陵命掌護儀衛及還而卒贊有膽勇勢悍輕率常言願死於
敵偏文其體為赤心殺賊字至於妻孥僕使皆然諸子耳後別刺字曰出門
忘家為國臨陳忘死為主及作破陳刀降魔杵鐵折上中兩脅有刃皆重數
十斤絳帕首乘驢馬服飾詭異

案隆平集言贊好以絳帕首持鐵鞭嘗請太宗圖其形性
傳示四方以威契丹太宗怒其性誕屢誅之階其勇而止

復誕不近理監冬以水沃孩幼冀其長能即耐寒而勁健其子嘗病贊封股為

養療之贊卒後擢必顯為軍軍上當有馬
字或步字副都軍頭

毅夫來

傍晚答詣汪柝門不值詣張叔平聞其今日刑部傳訊也亦不值

詣諸百約小坐歸

晚赴毅夫聚寶堂之飲夜二更歸月皎如昨坐庭院

納涼久之付車發下

邸鈔

詔吉林地方緊要新授將軍希元俟百日孝滿後即行迅赴新任毋稍遲延

以太常寺卿熙敬為內閣學士兼禮部侍郎銜

內閣學士景善補鑲藍旗蒙古副都統

十八日丁酉寅初一刻四分夏至五月中晴熱甚

祀曾祖考妣 祖考妣本

生祖考妣 先考妣縣 神坐圖皆燒鳧一大盤因育五豆菜肴五豆薄荷八

雪饊一盤菜羹一瓠絲餅一盤時果四盤蓮子湯一巡酒再巡飯再巡附以兩

弟哺後畢事焚楮泉四桂先一日亦祀故寓公 以錢五千買草花一擔裁

之園中 得毅夫書即復 作書致鐵香為毅夫母夫人病乞沈香 夜

毅夫來證別 作書致毅夫饋以梅饊瓠餅乾菜四

郎鈔禮科掌印給事中舒鑒升內閣侍讀學士翰林院侍講長萃轉侍讀

新授編修 國柄升翰林院侍講 國柄下世庶吉士今年散館賦中廉字約誤押貪字又有伯
樹若用金浦還珠事為孟嘗君而國者許侍即置之高奇

十九日戌戌晴有風下午稍霽是日鬱熱如昨晚稍涼 得王廉生書

以蜀漢三闕拓本及唐陀羅尼經幢為贈催書摺扇即書復之三闕者一漢

侍御史李公之闕一蜀故侍中楊公之闕一蜀中書口賈公之口俱已見到燕

庭三巴金石志侍御史李公傳為東漢初李業然業未嘗為侍御史楊字僅

存一筆較劉志所極作，若又少其一貫字僅存，又與劉所極同亦未
知果是楊字賈字否劉氏侮漢李氏侮成侮漢皆未嘗自號為蜀而八分珠有
漢法不可解也。介唐來教夫來介唐遊至便宜坊在飲一更後歸
閱宋史

師鈔

上諭巡視中城給事中安祥等奏續獲要犯一摺所有訛詐已革給事中張觀準
案內人犯德蘇氏春吉鄭順劉子厚蕭三為二方德滿十張松祿文毅十名均
著交刑部歸案嚴行審訊按律懲辦毋任狡展

二十日已亥晴酷熱 始贏起 閱宋史及十國春秋東都事略諸書

富新倉送來奉米七石半稱之得粗米千斤付車力錢十千以易市

中白米七百餘斤 庚辰同年任北麓庶常來 郭子鈞 邵來 夜

雲合雷電小雨

師鈔

印署陝西延榆綏鎮總兵譚仁芳見已服闋即行實授暫緩來京陛見

御史魯琪光按山東登州府知府 本任知府實翔病故

二十一日庚子晨霧旋晴上午有雷致雲風起復晴 沈子培子封兄弟

來 沈瘦生自故里來忽然而至不可解也以氣膈四眉燕窩四匣茶葉四

餅龍眼兩簍筍乾乾菜各一簍為饋并得鍾慎齋書以錫香鑪茗壺各

一事為贈 得沈曉湖書 得伯寅尚書吳中書屬誤跋文墓志以銀

二百兩為潤筆 林國柱編修來 作書致周存翁還書

邱鈔

以內閣侍讀學士沈源深為太常寺少卿

二十二日辛丑晴下午教露有風 買荷花兩盆中花數種 評紙漢臣表

粘廳事東第一室為瘦生舍 同年王頌府戶部來 閱劉燕庭金石

苑 自粘房錢十千荷花七千

二十三日壬寅晴上午教露 早起食黍甚甚佳 閱李恢垣漢西域圖

攷以隋書所云曹國又誤作曹為全有漢霸賓高附二國地不知曹國與康國安國未國

史國何國為郡蜀國穆國隋書並言其王姓昭武乃康居大宛二國之地由康分為八國

若唐時分為九國所謂中曹西曹即曹國所分猶史國又分小史國安國又分東安

國 無為即昌穆國之名亦以譯音與定字也至隋書以安國為即安息國則

大謬矣李氏又謂唐西突厥之雷著海今名鹹海亦曰達里岡阿泊在安息國南界又謂後漢書言從安息陸路繞海北行出海而至大秦又有飛橋數百里可度海北諸國其繞海即繞黑海之南出海及渡海即渡他大里尼峽由黑海通地中海處闊僅數里若按其國則鹹海與地中海相距甚遠鹹海外有裏海又隔高加薩亦作索山山之西臨黑海黑海南為地中海而中又隔馬海則雷著海安得

云在安息國南界此亦可疑也

余康辰會試對策以雷著海為即地中海今以輿圖細覈之似隋唐間西突厥之境不得至今地中海也

為梅

卿長即改闡甄弟二首即作片敘之

教夫派分教庶吉士得十人故事掌院

二人大教習二人每人各派翰林官分教習二人共八員謂之小教習按殿試名次輪派

之然所派往往不得人庶常有不願者聽其自擇自丁丑分教有某者若無人肯向

由是不聽自擇今科所派無開坊者教夫瑞為書所派也 鐵香來 是日熱

甚夜有風稍涼

即鈔湖廣總督涂宗瀛奏請因病開缺 許之

湖南巡撫卞寶第署理湖廣總督以前雲南巡撫潘鼎新署理湖南巡撫均即

署任毋庸來京請訓

御史曾鈺授陝西督糧道 本道甚聯不憂

二十四日癸卯晴酷熱 辨色即起坐庭中看荷花 作片致致夫介唐邀早

飯使宜坊 讀四十二章經其文臨實有西京遺意管人謂由傅武仲筆潤

色者是也 上午偕沈瘦生過致夫即偕至便宜坊介唐已至復邀光甫招霞

谷王僕月妹諾郎午後歸 繆小山來 馬蔚林來 夜有微風小坐

即暝 付霞王車六十酒係賞五十 若車二十

二十五日甲辰晴下午開霽 馬蔚林來為破夫請假事 作書致

鐵香 閱漢西域圖攷 殷亨庭來 毅夫來 夜初有雲三更

星見甚熱

師鈔

本曰引見之已革兵部左侍郎胡瑞澗以四品京堂用已革安徽布政使傅慶貽

道員用

太常寺少卿文興為大理寺少卿

廣東大鵬協副將賴鎮邊為廣東瓊州鎮總兵 本任總兵彭玉病故

二十六日己巳晴酷熱 作書致沈子培得復 作書致梅御詢少卿分何

省得復言分雲南 下午教書 付女軍詞後七千

二十七日丙午晨及上午霏午後晴 致夫來邀同瘦生介唐光甫午飲

便宜坊焙霞谷王德諾郎下午歸 王醉香同年來 汝翼來 晴

後數露夜有雨仍熱甚 有霞至年六千

二十八日丁未晴酷熱 張子虞來 比日頗病熱不能讀書 得沈子

培書印復 印結向送來是月公費銀二十八兩九錢 以錢三千六百買

殿雲綉履一雙又以四十四千定製四層布表袖裏紙質先付五千 夜有

電

二十九日戊申小盡味爽而作偷半止及苦歎熱得雨甚佳猶未溼沛耳

有震雷午後晴 病喝不快晚令人指沙傷不食

師鈔

上諭

雲南報銷先後降旨派惇親王問敬銘潘祖蔭張之萬麟書符同蘇薛允升
會同查辦茲據惇親王等奏查明分別定擬各摺片此案崔尊彝承辦雲南報
銷潘英章執為代託周瑞清轉屬龍繼棟向孫家穆說明津貼公費銀八萬兩司
員書吏得受銀數多寡不等雖經該部覆核所報均係應銷之款惟辰轉賄託數
至盈千索萬官吏通同朋分入己情節較重自應從重懲辦已革戶部主事孫家穆
以至稿司員得銀七千兩之多實屬貪婪不職已革太常寺卿周瑞清雖無包攬報
銷及分贓情事惟以三品大員執商同說合過付銀兩實屬荒謬孫家穆周瑞清
均著發往黑龍江效力贖罪周瑞清據供母老丁單著不准留養已革戶部員外郎
福趾於賄辦報銷先不知情事後分用銀四千兩已革知府潘英章聽從賄託明知崔
尊彝使用公款執向借銀一千七百餘兩已革戶部主事龍繼棟聽從周瑞清說合過

件事後迄得酬謝銀二百兩已革御史李郁華雖未同辦報銷惟身任風憲官執
向各處探問報銷諸事致人疑畏又廿為潘英章代買物件因得餘賸銀四百兩福
外潘英章龍繼棟李郁華均著發往軍臺效力贖罪降調戶部主事崔登寰
周頌向孫家穆借用銀兩現已歸還惟完係報銷之款均著即行革職得職之書
吏褚世亨張瀛吳登林張兆鴻均著杖一百流三千里已革雲南糧道崔尊彝使用
公款二萬三千二百餘兩現已病故著落該故員家屬完繳至此案牽涉景廉王文韶
一節現經詢明潘英章周瑞清及戶部司員書吏均稱實無關說饋送及分用此款
情事詳核號商帳簿亦無潘英章等饋送之款惟現在軍務已平該省軍需報銷
與年例報銷仍前併案辦理該尚書等未經查出實屬疏忽且於司員孫家穆等與
任列一等之員外郎福趾得職均無覺察亦難辭咎景廉王文韶及戶部堂官並失

竊書史文職之工部堂司各官均着查取職名交部分別議處崔尊彝邢紹官項至
上餘為兩之多該督撫毫無覺察復將該革員保列半譽崔尊彝潘英章賄辦報
銷發覺後又未將那用銀兩查明實數具奏均屬咎有應得劉長佑岑毓英杜瑞聯
均著交部分別照例議處

原任兵部尚書志和奉

志和英成練達西部曾歷升御貳游擢尚書都統總管內務府大臣宣力有年本
年正月間該族聞盜逆軫惻珠深加恩照尚書例賜卹

此處為正文內容，因字跡極其模糊，無法辨識具體文字。

六月己酉朔晴

病渴不食作片致介唐辭今夕之飲

得吳大衛編修

書為伯寅尚書書跋文著期即復

張叔平未不見

舖食不快服豆

菹湯

梅卿借其子少卿來

初百庚戌晴

作書致鐵香

介唐來

致夫來

聞溫熱經緯

夜涼

師鈔

以前大理寺少卿徐樹銘為通政司副使

上諭游百川陳士杰奏五月十八至二十三等日黃水驟漲湍激異常齊東利津

恩城等處民捨漫溢共口二三百丈至數十丈不等齊河濟陽惠民等縣隄工亦均

災岌可危現任趕緊查勘設法賑撫等語山東歷城等縣上年水災甚重民間

苦情形朝廷實深軫念茲復祥遭黃水災黎徧野蕩析離居曉奏實深
閨測著游百川陳士志迅速寬籌振項查明被災輕重分別認真撫恤毋任一夫失
所各處決口疏著相機趕籌堵築毋稍遲延

初三日辛亥晴

閱宋氏過庭錄

有鄉人章鑿通判來謁侮姻惡姓不

知何人也不見

第頰

鐵香來夜談以文字相商

夜小有涼風始晚

食尚不快

初四日壬子戌正三刻十三分小暑六月節晨露小雨上午後晴露相間晡後

露備晚雨入夜漸密

閱過庭錄

新唐書食貨志言劉晏代第五琦為

江淮鹽鐵鑄錢使其始江淮鹽利不過四十萬緡大株末至六百餘萬緡至順宗

時李兵為使後則三倍晏時矣李兵傳大言兵為程舟為楊子雷後許校增

於其時是唐時場子一院鹽利幾至二千萬緡文獻通考言宋元祐間准鹽
歲四百萬緡紹興末年秦州海陵一監至六七百萬緡慈德案今制天下鹽課銀
共五百七十四萬五千兩有奇兩淮不過一百餘萬而積引滯課至不可計然則
劉士安固不可及即程李之才亦豈易言哉唐時市易未用銀其銀價不可
攷大約所直不過一兩一緡以漢書食貨志言朱提銀重八兩為一流直錢一千五
百八十它銀一流直千時代遞降其直漸高則唐直至貴不過如此南宋以後
銀始通行其直益貴金史食貨志言舊例銀每錠五十兩其直百貫後鑄承
安寶貨亦每兩折錢二貫宋之銀實當不相遠則紹興之六七百萬緡計銀三
四百萬已遠不如唐采地利有贏縮人事有巧拙而今之弊尤在於法百密而
無一行姦妄禁而益百出 國計何由裕乎 潛瘻生過數夫小坐即偕

詣介唐談簡晚歸

新授登州知府魯芝友來

新分刑部主事汪

汝輪來

徐壽衡通副明日六十初度以描金朱蠟箋楹帖為壽撰

白書之云先充國生旬又五日如君公壽再六十年

作書致黃松泉以

明日劉鐫山師孫曾枚

與周文勤孫七婦甥仙州夫人請余會親余轉邀

松泉自代

夜雨徹曉有聲蕭檝如冰

郎鈔

初七日親詣

大馬殿祈雨分命博親王等禱時應諸宮廟

恒元為三姓副都統

本任副都統長麟病故

翰林院侍讀

梁仲衡為右春坊右庶子

山西平陽府知府李秉衡升廣東分巡

高廉道

四川候補道馬映奎授分巡河北道

本任高廉道英謙老病河北道董潤病故

初五日癸丑密雨至晡後稍止晚霽涼意如珠 竟日閱日知錄

師鈔吏部左侍郎邵亨豫卒

邵亨豫由翰林擢卿貳持躬勤慎宣力有年茲聞溢逝軫惜殊深加恩

照侍郎例賜卹

光祿寺卿崇禮為通政使司通政使

右贊善張英麟轉補左贊善編修崔國因升右贊善

初六日甲寅晴 為張叔平書楹帖託印致之 作書致汝異得復

閱日知錄 為張姬梁方藥 付帽合錢三九千付羅冠銀二兩四錢付定製履銀千

師鈔

初以得雨初七日親詣 大高殿報謝

初七日己卯晨凝露上午晴露相間午後晴晡後露頗苦溽暑

得施敏先正月廿六日興化郡署書 得光甫片邀早飯聚寶堂上午往

坐有敦夫介唐書至招霞芬至倦下午余邀諸君飲霞芬家并招慶生晚

繼以獨夜初更敦夫後邀至聚寶飯二更後歸

侍霞芬酒果錢四十千僕賞

十千客車四十霞車四十至車四十車錢十千

初八丙辰晨及上午晴露相間下午多露傍晚風雨旋止 為梅卿

長郎行卷第三執作後半文字

其事則齋坦晉文其文則史

本屬沈子培為之經義紛

緜余更作大半字二有本矣此亦結習難忘者也即作書致梅卿 梅卿

訂後明日飲天甯寺

得張子虞書乞作朝考疏印復

郎鈔

吏部右侍郎祁世長轉補左侍郎以戶部左侍郎許應駘為吏部右侍郎

戶部左侍郎孫詒經轉補左侍郎以工部左侍郎孫家鼐為戶部右侍郎

工部右侍郎孫毓汶轉補左侍郎以內閣學士張家驥為工部右侍郎祁世長

未到任以前以孫家鼐兼署吏部左侍郎孫詒經未到任以前以順天府尹周家楮

署理戶部左侍郎孫毓汶仍署理倉場侍郎大理寺卿徐用儀署理工部左侍郎

若齡補正藍旗蒙古副都統

掌京畿道御史孫紀雲授山西平陽府知府前湖南衡州府知府劉燾授湖

南長沙府遺缺知府本任長沙府知府何樞升長沈永請兵備道

上奏都察院奏雲南舉人孫士賢以胞兄孫士誠被誣枉獲等詞呈訴一摺前據劉長

保等奏署雲南東川營守備孫士誠挾嫌誣姦細設木管官東川營參將和述廷

一 案將該守備審明正法經刑部核議奏結茲據該舉人呈訴各情虛實均應
徹底根究著派冬毓英將此案情節確切查明據實具奏孫士賢該部照例解
法苗質

初九日丁巳晴霽埃管 閱東塾讀書記 沈子培來 梅卿來 袁

爽殊來 得梅卿書即復 吳介唐避在飲聚寶堂晚赴之生有款

夫書至光甫瘦生招霞谷至倦夜二鼓歸 霞谷至車八千

邱鈔劉東璋奏特參庸劣不職各員浙江署歸安縣知縣李昱署樂清

縣知縣魏明候補同知余寶森候補通判汪鈞超尤銜候補知縣黃森南均請

即行革職桐鄉縣知縣周銳太平縣知縣賀允璫均請開缺畱省遇有無字

簡缺照例補用慈谿縣知縣裕昌蒙右進士龍游縣知縣陳瑜江西進士東陽縣知縣胡

日宣貴州 綏雲縣知縣常吉兆陝西 均請以教職按班選用 從之

初十日戊午晴上午酷暑午後有風致涼晡後露 早起第頓 偷

午出廣甯門入天甯寺主客尚無至若獨坐山前文室聽蟬聲而已歷

兩時許教夫月林梅卿父子霞芬師弟始以水到米塔生場正甫後至飲

至日入始各撤歸 付兩日車錢十五千 霞車八千五車四千 夜雨至三更後稍止

邸鈔

李鴻章署理直隸總督兼署北洋通商大臣張樹聲即回兩廣總督本任

曾國荃著來京陛見

十一日己未晴 閱俞蔭甫公羊繫梁平義 書玉來

十二日庚申初伏晨及上午晴午後霽晡後靄露 以瓜薦先 是日

荷葉齋日記

校集

卷

洗象家人詣宣武門濠上觀之 殷粵庭饋西瓜六枚 作書問汝翼

疾 劉仙洲夫人來 作書致書玉饋西瓜十枚 閱東塾讀書記

款夫來夜談 是夕券甚五更疾動

子三日辛酉晨晴上午霽午後雨晡後復晴旋霽 所畜一北狗死已十

餘年矣裹以葦席送以紙錢令人埋之南下窪 閱續漢書禮儀志

得馬蔚林書即復 偕晚偕瘦生過款夫齋頭小坐

師鈔

詔 山東應解京餉項下截留銀千六萬兩賑濟歷城等縣被水災民

前在春坊左中允龍湛霖補原官

前山西河東道江人鏡仍以道員選用

十四日壬戌晨及上午霽午雨至下午止竟日霽

邸鈔

詔令索札薩克回子親王沙木胡索特因兵燹之後修理墳墓呈請借支俸銀
著照所請准其借支十年奉銀二萬兩以示體恤從哈密辦事大臣胡春請也

翰林院侍講學士烏拉布轉侍讀學士右春坊右庶子裕德軒侍講學士

十五日癸亥晴霽
得袁爽球書并李壬叔事略
得張子虞書

催一文字
為斌文誤墓志
作書復爽球復子虞
夜月甚佳一

更後華采懸燈五色六重凡三四見平生所未觀也

邸鈔

上諭
署左副都御史張佩倫奏河南王樹反一案二次會審之臬司豫山前任河北道

陳寶箴應照初次勅轉之署臬司麟椿議處等語後山陳寶箴應得處分著吏部詳查案情照例議奏

上諭

張佩綸奏總理各國事務衙門章京刑部郎中張廣聰小有材能近近招搖

請飭察看等語張廣聰著回刑部當差毋庸在總理各國事務衙門行走若

刑部堂官隨時察看如有劣迹據實具奏

詔甘肅甘涼道鐵珊開缺交吏部帶領引見

龍錫慶授甘肅甘涼道

蒲蔭枚授貴州安順府知府

本任安順府尹蕭怡病故

十六日甲子晨及上午晴會相間午會下午密雨至晚少止 節孝張太

太生日供饋菜肴十器時果四盤西瓜兩盤櫻頭一盤麵一盤蓮子湯一巡清茗

飯一巡酒三巡飯再巡又亡弟勉齋五十五生日饋以醬燒鳧一大盤肉肴四大盤

菜羹一盤肉炒帽兩盤饅頭一盤非黃餅一盤時果三色西瓜兩盤朝一盤
蓮子茗飲酒飯如故事補夜畢
夜雨淋浪達旦枕草涼瑟愴雷蕭
然頗有林思

十七日己丑雨至午後少止散見日景下午雨又數作晚殊見星是夕望日出
佳甚二更後又密雨聲緊四更稍止復殊比日潮溼蒸淫微氣甚重時愈
看辟之 腹痛甚下迫利自誤方藥服之 張子虞約十九日飲

師鈔李鴻章疏辭畧命 不許

十八日丙寅晨晴上午散霽小雨午晴雨相間下午霽蒸燠特甚傍晚
殊有晚霞 昨於園中種竹十餘竿今日復買花一僮數之價錢十六千

頗榮爛滿園矣今年採海棠一本須錢一千三四百錢兩倍往年聞三五日安

門外雨雹瓜許多壞 前數日誤跋文卷老教行而報今日續成之 得

沈子培書并朱桂卿書以諾同年屬誤麟太師母八歸壽序也即復

是日仍病利服方藥 夜月頗佳 毅夫來

十九日丁非晴 為梅卿長郎作行卷試律詩賦得花開鳥鳴晨得

晨穿五言八韻即作書致梅卿 為張子虞作翔芳卷天道至教聖人

至德疏即作書致子虞所辭今日之飲得復 先甫來 介唐來

書至夫人饋饌 利小愈尚腹痛 夜月殊佳 沈足

邸鈔

詔原任廣東提督劉松山之母現任通政使司通政使劉錦棠之祖母年近八旬

親見七代五世同堂詢為熙朝人瑞賞給御書扁額以崇殊榮所有倒應禮賞

若禮部議奏從湖南巡撫不實第請也

詔廣西提督馮子材假期已滿病仍未痊準其開缺回籍調理以

黃桂蘭為廣西提督

二十日戊辰未正一刻八分大暑六月中霖霖上午晴午雨午後晴

不定 沈子培未久談 第頭 錄跋文墓志以文稍長臺中稍有

節改也 取所製黑段雲緞淡黃履來再付錢五千 夜雨

二十一日己巳埃雷蒸溽晨晚有雨熱甚 作書并志銘致伯寅尚書

作片致吳大澂編修屬轉寄 為瘕生書楹聯又為嵩山寺僧不緣書

禪室聯不緣本名本源后柯山石佛寺全改字之曰鉢圓今復改為不緣又為

來姓書聯皆瘕生轉乞若 得子培書以其同色錢辛甫明經所贈所

石齋記事彙十卷續彙十卷刻楮集詩四卷旅逸小彙一卷共廿二冊為
之轉送即作書復謝并還所借江晉三晉學子書且以楊農先孟鄰坐集
借之 夜雷電辟歷大雨自黃昏起至二更少止三更復大雨猛甚連日
喧騰

二十一日庚午雨勢晨少殺上午後晴雨不定晡後雨又大作至夜益甚終
夕傾盆四更更有震霆 閱神志惠公寓山莊越中園亭記 為王醉香書

楹帖朱子涵書直幅沈瘦生書翠壺琴隱樓額 得米桂卿同年書

并見贈用山谷上蘇子瞻古詩二首韵風格辭指俱佳又為珊姬便面書曾
子固列女傳目錄序一首前日黃仲致為席姬便面書列女傳贊小楷皆精
絕可寶也即作書復謝 買木箱二付錢四十千

郎鈔

上條吏部等衙門奏遵議處分一摺戶部尚書景廉前戶部左侍郎王文韶調任
吏部左侍郎前署戶部左侍郎奎潤及前任戶部尚書董均將已革員外郎
福趾京察保列一等均著照部議降二級調用不准抵銷景廉著仍在軍機大
臣總理各國事務衙門大臣上行走前任雲貴總督劉長佑雲南巡撫杜瑞聯任
縣屬員那用公項均著照部議降三級調用不准抵銷該督撫於崔尊彝保
列卓異應得降二級調用公罪處分景廉王文韶奎潤前署戶部左侍郎吏部
右侍郎許應駘前戶部右侍郎通政使司通政使崇禮應得罰俸降級留任及工
部尚書甯同龢前工部左侍郎調任兵部右侍郎師曾前工部右侍郎調任戶部右
侍郎孫家鼐前署工部右侍郎現署左侍郎除用儀工部郎中福志蔡世傑應得

野休岑毓英杜瑞聯應得降級畱任處分均若准其抵銷

上奏吏部奏遵議會審王樹汶案內各員處分一摺河南按察使豫山前任河北道

升任浙江按察使陳寶箴均照部議降三級調用不准抵銷

以理藩院尚書額勒和布為戶部尚書以都察院左都御史烏勒喜崇阿為

理藩院尚書以前熱河都統延煦為都察院左都御史

以吏部右侍郎錫珍轉補左侍郎以戶部左侍郎崑岡為吏部右侍郎以戶

部右侍郎福錕轉補左侍郎以工部左侍郎敬信為戶部右侍郎以工部右侍

郎興廉轉補左侍郎以內閣學士景善為工部右侍郎

以額勒和布補正白旗漢軍都統

二十三日辛未晨雨至上午稍止午後晴雨不定旬晚有霽色 以連
夕大雨淋。屋漏早起。逸書避溼 閱衍石齋記事續彙其文頗病皆
施亦有牽率應酬之作。蓋於衍石沒後四年。成豐甲寅海甯蔣寅昉光燭
刻之。故遠不及其前彙甚矣。文之須乎定也 為瘦生柯山石佛寺新起山
樓券書削雲二字以樓對寺前奇石孤峙數十仞頂有危石如冠狀倒生一
松亭。雲際瘦生嘗取余柯巖銘中雲骨二字鐫於上。故今以目其樓
為張姬席姬畫扇上各題一絕句。一為絡緯採花。一為緋桃花。皆臨海人李
藻所續 比日海雨悶若令午聞蟬聲覺復有槐夏清陰光景 夜
又霽

即鈔

雲南布政使唐炯為雲南巡撫

太僕寺卿鳳秀為太常寺卿以口閣侍讀學士志元為太常寺少卿

直隸正定鎮總兵婁雲慶准其告病開缺以

葉志超補之

二十四日壬申晨露小雨上午後晴雲埃暫

張子虞來

得來桂卿

書見際新作用堪字韵感幾備水利七律一首以許周生言京城外廟雨後流
淖無能治之以例郊畿知潞水客談之說不可行也其論全所不取而詩固可
傳又必嶺南烹茶錫銅具及化州楮皮四束為贈作書復謝稿使三千

沈子培來

得先甫書改明日子刻海觀蓮之約

閱寫山注偕瘦生坐

新疏小園語致鄉山水

晚有霞采更注見星後復霽

郵鈔

初 戲雷江北僧糧五萬石接濟山東災黎

二十五日癸酉味爽雨晨稍止上午雨數作午後晴霽不定晴有速雷
蒸溽鬱暑傍晚密雨入夜益甚 景珠坪師壽日送祝儀二金闈

禮四千作書致其嗣君舜臣司業治麟以腹疾兼阻滯為辭比日漢濼
滿街實艱於行師居新街口夏三胡衝在神武門外三四里去余寓幾二十
里而近日左降尚未過慰禮又不可廢也 為介唐書國府即作書詩

兩首

癸未六月京師苦雨有柯山感友來與談故山之勝適吳編修講索書

園扇編修故家州山與柯山鄰也其地山水尤佳因題其扇二首

吾越山水窟西南尤翠峭道出湖桑棗窈窕如美人曉鏡潛眉黛淡笑無

金聲時花簇巖際螺鬟亦爭新
流鶯啼雲裏偶出銜紅中誰家好
樓閣嵐光浮碧筠朱閣一倚笑溪聲千古春

春山固云好尤愛初夏妍綠陰已如幄
餘花綴連錢自入第五橋夾嶂飛清
泉州山最秀絕圖經名弗傳我於甲寅夏
落日嘗放船金碧深也蓋峰巖
參諸天濃黛昏無際極目惟蒼煙
此景刻曾臆息壤期何年
夜大雨鼓作權雷不絕五更傾盆狂甚

邱鈔

上諭

李鴻章奏仍懇收回成命一摺從前大臣如孫嘉淦朱軾穆曾琦蔣炳于

欽中曾國藩胡林翼等皆遵

旨在任守制該署督惟當以國事為重力任

難其不得已之苦衷自為天下後世所共諒毋得再行固辭

上諭都察院奏京師捕務廢弛請飭會議緝捕章程一摺鞏穀重地近來劫竊之案層見迭出捕務實屬廢弛若步軍統領衙門順天府五城御史會同妥議緝捕章程實力奉行即將著名匪首迅速緝拿務獲懲辦據奏匪類受庇於番役番役受庇於營員貪利營私聚奸養賊等語若步軍統領衙門力除積弊查明聲名素劣之營員據實參奏番役人等如有交通匪類詐害良民情事即行徹底嚴究懲治

翰林院侍讀譚彥彬升右春坊右庶子

廣東按察使龔易圖為雲南布政使以安徽安廬滁和道沈鎔經為廣東按察使以直隸大順廣道劉盛藻為浙江按察使以山西河東道唐咸仰為河南按察使

二十六日甲戌大雨自昧爽至日昧濁沓如注晡時少止加酉見日景徇晚

復雨 是日

上葛

壽慶節辰初定質以雨甚免 水驟長沒階入室街市成河牆傾四圍

寓中外垣馬廐皆圯房室處處穿漏內外驚恐人憂厭亟幸午後露

聲遠聞旋有西風雲開雨止若再雨一時成巨災矣新疏小園垣牆亦

壞薛荔蜀葵雁來紅皆死 偷晚小整書畫几案拂拭沉污 夜

復密雨終夕澆厯有聲

二十七日乙亥昧爽雨至辰止上午晴露埃能下午晴 整理書籍

作片致介唐還所書扇 作書致致夫 閱衍石續臺 致夫來雷

之夜飯不飽

邸鈔

詔於二十九日親詣 大高殿祈晴并命博親王恭親王等分禱時應諸

宮廟

二十八日丙子晴 下午散霽 作書致季士周屬其修我牆屋 作書致

梅卿為張甥謀習經純地此輩不肖子不能以力自食可恨 得梅卿書

疾味來 鬢頭 夜加廿雨加寅益密數頃止

二十九日丁丑西風晴爽 閱浙石續彙 是日得詩四首其一謝野熾香

續荷花七古不存彙即為熾香寫紈扇作書致之 得馬蔚林書以台州

士夫公函送閱言巡撫劉東瑋聽黃巖舉人王佐孫之言招降金滿月給其

靈口糧百名聽駐臨海北岸給以夜陸開花槍百桿接濟火藥不絕金滿不

官出某要署台州知府郭武昌攜親隨十人於是月十日往北岸相見授以五品功牌及戰馬一匹矣劉撫庸而恬全不知兵亦全不知吏大抵皖人無一可用今新授按察使劉盛藻亦皖人劉撫又請以嚴州知府吳世榮調杭州吳亦皖人出身亦矣界河無藉浙人皆鄙之

近感二首

聞說昆崙外干戈尚未休周藩勳職貢漢郡本交州俗自曲拳美人思悲但謀狡延何日饜前事有流求

未有填隄術先謀築室人九河隨處指三策任心陳斥地嗟新進增界主重臣魚鹽平乘富畢計集芟薪

癸未六月之末連雨猛甚牆屋多圯二十九日得晴戲書一絕

新涼
西風一夜免排牆。又送蟬聲過夕陽。飯後不知明日事。樹陰移卻飽。

三十日戊寅晴晡效露

馬蔚林來

作七古二首酬程柳梅卿

鐵香來

寫詩行書致梅卿得復

印結自送來是月公費銀五六兩

梅卿挈其子少卿來

同年朱桂卿編修用山谷上蘇子瞻古詩二首約見贈用山谷次龜補

之廖正一詩約報之

世間萬事競難口。柳肩散材論升斗。蒙黑雲霧擁九關。難大紙金丹。大還
天馬踏踏樓。靴下黃鐘昏啞那。鏡間來游氣概萬夫上。雍門一遇獨心賞。庠
辰之樹天下名。揮檉桃李春滿城。君對大廷擢高甲。稽古斷致無凡榮。我

亦。蹶。躡。隨。首。士。漫。郎。仍。著。聲。陽。子。入。刺。屢。索。閭。人。還。拉。勞。不。為。長。官。喜。米。
粒。三。歉。知。音。難。少。年。吹。笛。工。幾。彈。晨。星。數。點。相。媿。媚。寒。松。干。人。誰。躡。攀。自。
慙。凡。骨。不。能。換。看。君。游。戲。蓬。萊。山。

胡巨伯以與朱桂卿酬唱詩見寄中有同事李夫子語再用山谷水

龜。廖。贈。答。詩。韵。酬。之。壯。質。令。嗣。毓。麒。登。第。出。宰。漢。南。便。道。歸。侍。
以。田。易。官。贍。八。口。垂。老。始。能。博。升。斗。口。中。無。齒。髮。被。肩。經。年。車。轍。絕。往。還。
銷。聲。自。匿。百。億。底。潛。精。亦。敵。羣。書。間。看。花。偶。出。雒。市。上。濁。酒。素。琴。一。時。賞。
胡。君。鄉。里。最。有。情。十。年。同。位。長。安。城。歲。寒。松。柏。自。相。悅。不。隨。桃李。為。枯。榮。列。古。三。
稷。復。來。止。眼。前。突。兀。見。驥。子。離。風。一。鳴。天。下。驚。萬。里。除。書。誰。解。喜。少。年。氏。牧。良。
是。難。求。琴。先。向。書。城。彈。沉。金。已。足。動。鄉。國。五。雲。高。梓。爭。援。攀。作。吏。何。如。却。下。樂。

山係鉛槧勤名山

尚學齋日記

文集

卷

殊七月己卯朔終日涼霽 下午有小雨 作詩問汝異疾 寫感事

諸詩咏殊 作書致桂卿并寫詩致之 黃仲攸送來攸夫六

月中滬上書即作書復仲攸 梅卿以書屬改近作即書復之

得桂卿復 夜初更密雨二更後止 感涼輒涕夜身熱大欬

師鈔直隸保定府知府恭鈞升大順廣道 安徽候補道丁峻補安慶

滁和道 山西委用道員高崇基補河東道

初二日更長暗有風 介唐來 桂卿來 得張子虞書以楚中新

刻張太岳集見詔作書復謝 付張甥銀廿二兩有奇為南還之資

閱術石記事續彙 梅卿詔所畫團扇三柄 傷風嚏欬罕食多臥

夜身熱畏寒病甚

邸鈔

上諭給事中鄧承脩奏已故成貞戰功年著請量予褒卹一摺已革前任總兵
降補都司陳國瑞隨同僧格林沁轉戰數省曾著勞績嗣緣案遣戍上年傷發
身故著加恩開復原官並將戰績宣付史館以獎前勞

上諭昨據給事中鄧承脩奏陳國瑞請卹一摺該非迫不及待之事輒行在案
如至遞殊屬不諳體制鄧承脩著交部議處

初三日辛巳晴 身熱病甚 作書致梅卿 得周荇翁書送來

益吾祭酒所寄道光朝東華續錄六十卷共二十冊即復待翁 致夫
未 屬瘕生譔薄荷澤瀉橘紅厚朴防風制芥等方藥服之御覽引
神農本草云厚朴生交趾引各醫曰生交趾寬甸范子計賦云出宏農今

安南出者已久絕以雲南為最佳亦甚稀於是改用川朴而亦罕得都中
多以溫州出者代之且有偽作者溫朴性溫而有小毒不可用也厚朴即說文之
榛今日易以神麩 朱桂卿來再為診脈改誤方

師鈔直隸深州知州朱清白授保定府遺缺知府

初四日壬午晴 病不愈服桂卿方藥 胡少卿來 閱道光續東華

錄 是日小有風 園中添栽木槿美人蕉玉簪紫薇

師鈔翰林院侍講陳學棻轉侍讀司經局洗馬梁耀樞升侍講

初五日癸未晨及上午晴升午晴雲相間晡後露酣熱逾晚雲合有雷晚暴風

密雨至夜初更止 病少愈小食不復藥 瘦生張甥定初七日行今日

為料檢贖行食物又寄張氏妹食物及甥女荷姑花綫寄僧惠書繕衣帽

及其婦花綾布匹及所生男頸頭一具寄仲弟婦番銀兩圓及姪女冰玉姑

首飾花綫 作書致謝惺齋以瘦生有所求也 作諭僧慧書以修身

讀書家法 寄鍾慎齋國府一柄為兩面書近詩并寄以花箋字毋託

瘦生附去 得桂卿書饋藥并味子用山谷次龜房詩韻見贈即復謝

初六日甲申非正二刻十四分五秒七月節晴酷暑晴益甚 鬚頭

邀毅夫介唐書玉光甫早飲聚寶堂為瘦生及張甥餞行力疾冒暑至

午始散下午歸 缺缺大劇 沈子培來胡少卿來 為瘦生題嚴青格以曾水亭仕女圖七絕兩

首 作致鍾慎齋書 晚復詣聚寶堂赴毅夫介唐之招夜一更後歸

自昨夕患軟達旦不暝今日又過勞遂甚委頓 付車錢十千酒保賞五千客車四千

師鈔

記

已革兩淮鹽運使洪汝奎發往廣東交張樹聲裕寬差遣委用從張樹聲請也

初七日酉晴酷暑益熾 先君子生日供饋四肴五菜香五菜羹一

器父靈梅糕一盤饅頭一大盤時果四盤蓮子茶一巡淪麪一巡酒三巡飯再巡

若飲再巡 早起視瘦生及張甥登車此甥雖不材而二妹祇有此子早孤

失學家又負囊其父兄弟四人相繼夭折亦惟此子存矣念其單寒觸暑遠行今日又是

先大夫生日其來也適以去年七月十五日 先大夫忌日至為之黯然流涕

昨書致殷夢庭饋粉蒸白紅燒魚東瓜黃脯薄荷梅糕 作書致梅卿

夢庭來 得梅卿書行味予用山谷龍虎膠詩約三首見贈

師鈔

行樂圖

文集

卷

以詹事府少詹事尚賢為光祿寺卿 以候補四品京堂鄭藻如為內閣侍讀

學士 山西絳州直隸州知州沈晉祥升蒲州府知府 本任知府博敏以巡撫張之洞劾其信任門丁不勤政事治獄粗率

教刑不設問缺另補沈晉祥歸安監生之洞於劾疏後指戶特保之以去年所屬五十九人權用將盡也之洞之考即用知縣施朝銓心地茫味不曉官方請以教職銓選朝銓福清人庚辰進士年已七十矣

兵部員外郎常灝授雲南昭通府知府 本任知府景維以總督岑毓英等劾其不勝遠要開缺另補

初八日丙戌晴酷暑 病甚以感冒未癒力疾過勞致軟氣逆殆不可

支 作兵級介唐以先甫約今日飲于刺海酒樓賞荷花病不能往詭介

唐代辭也 作兵級敦夫得復 得爽味書行近詩五首

初九日丁亥晴酷暑 病軟甚 介唐來 寄上妹三妹四弟鳳妹

穎原弟各食物服用首飾寫清單兩紙將託梅卿付回 閱道光續東

華錄 梅卿來言于五日行

初十日戊子晴酷暑

作書致教夫約十二日天甯寺偕介唐先甫醜錢

梅卿遊子虞妹曰作陪也得復

作書致張子虞

為竹樓書園府

為族姪女采姑書金面園府采姑適諸善術陳氏比年王氏妹與之同居以

女許字其子矣采姑書來欲事余為父故書府以誌之

再用山谷次意修

韻書扇以贈梅卿即作書致之得復

郵鈔

上諭恩福奏熱河被水情形一摺六月下旬連日大雨山水暴注迎水堤等處沖塌

房屋甚多災黎無所棲止現經設法拯救著恩福會同李鴻章趕緊籌款撫

卹亟將漫溢積水設法疏濬務使貧民復業毋任一夫失所

上諭翰林院侍讀陳學棻奏山東現辦賑捐請飭頒發直監執照並准捐輸

米穀照銀抵算一摺著戶部議奏

詔此次江北糧米除撥抵山東振需五萬石外尚有米六萬六千七十餘石現已運抵

天津著李鴻章就近截留督飭各屬查明順天直隸各區積水被災輕重數

官散放此係初十日諭補錄近日西山諸泉大燈路開邑關水高漫樹建銀而下通惠諸河漫溢四旬報候

詔現在近城一帶多有匪徒銷燬官錢改鑄漁利以致私錢充斥著步軍統領衙

門順天府五城御史一體嚴密查拿務獲按律懲治自六月下旬戶部尚書閻敬銘奏議改

各院司員見該管坐官向不准屈膝請安著該管坐官標遵乾隆嘉慶年

間歷次諭旨恪守遵行近年司官一足跪之禮起於上朝而兵部錄之戶部繼效之皆贊部臣子以此獻

十一日己丑晨反上午露晴相間下午驟雨數作 作書致爽妹并

還近詩得復 為鳳妹以泥金字書團扇寄之久不作小楷矣昨覺手

婦一二自好者尚不廢也若于間尚書悉戶部即嚴禁之議以御史文海疏言也

後嗣利錢於是從價蠲免廢缺等情

生今日復熟 毅夫來

郎鈔前任湖北提督傅振邦卒

傅振邦由侍衛升提督前在各路軍營帶兵剿賊迭著戰功宣力有年克

稱厥職本年正月因傷病舉發准其開缺調理茲聞溢逝軫惜殊深加恩照提督

例賜卹 傅振邦旋予諡剛勇

部千總銜候補把總山東齊東汛經制外委金玉璽於六月間因齊東縣東關外

堤堤被黃水衝激異常險要冒險搶工被溺殞命深堪憫惻交部照軍營

陣亡例從優議卹 從游百川等請也

十二日庚寅未伏晨露上午露晴相間午晴 鬚頭 毅夫未偷午

偕出廣富門至天富寺集於塔射山房林田介唐子虞光甫梅卿父子先後

至下午設飲日落而歸

行身坐八千卷庸八千庖人賞三千半後九十
客中僕千六千

十三日辛卯晴秋霄酷暑

為楚材房僑頌唐諸弟書摺扇寄之

為胡少卿書摺扇雙面屏幅四紙

為王元書摺扇

作書致鐵香

作致三妹書凡七紙

書八言描金赤蠟紙楹帖贈梅卿

為王元作書

致孫鏡江江西

作書致梅卿以寄親族等食物一大苞用物五匣扇一匣

詭其附致

郎鈔

協辦大學士刑部尚書文煜禮部右侍郎嵩申均授總管內務府大臣

光祿寺卿尚賢奏整京五部筆帖式請推廣新章聞用正途一摺著吏部議

上諭尚質奏八旗都統衙門送考中書等官辦理未能盡一請申明章程等

著禮部議奏

詔已故總兵陳國瑞准其於山東立功地方建立身祠以都察院奏編修尹琳基等

併名呈請也

詔福建臺灣府知府准其以候補知府泉州府廈防同知程起鶚補授以前經總

督何璟等請補吏部議駁該璟等復執奏也

十四日壬辰晨露上午教晴午後晴下午復露有雷晚晴 昔玉饋有

候六器收其半以饋梅卿 昨日酷熱夜尤甚全體中木念又作書過

勞今日復苦歐牙眩瞶多臥 胡少卿來辭行以銀四十兩為別敬 得

梅卿書饋龍井茗六餅泥金畫梅四幅 旬晚詣梅卿父子送行即歸

夜月甚佳頗涼爽二更時梅卿來話別

邱鈔

上諭前因浙江台州土匪金滿糾黨滋事迭經嚴諭該督撫派兵剿辦茲據何璟
劉秉璋奏該匪悔過自新情願立功贖罪由台州紳民稟請彭玉麟轉商劉
秉璋具奏乞恩懇准留營效力等語金滿稔惡有年種、不法核其罪狀實
屬或有餘辜本應立正典刑以伸國法惟朝廷除殘去惡無非為綏靖地方安輯
戶民起見既據奏稱真心悔悟率眾來營竝等獲要犯送官究辦以行其畏罪
自贖之誠而該郡士民又為匪情懇請尚可網開一面以示法外之仁金滿著從寬
免死准其留營效力金守龍及餘眾百人均著照所議一併留營責令戴罪自
效該督撫務當隨時嚴加約束如再有不法情事定當從重懲辦該督彭玉麟

柯環劉秉璋及該紳士等是問

上諭署吉林將軍副都統玉亮西護軍校潘升今撤前在廣西直隸山東江南等省打仗受傷著有勞績茲聞溢逝軫惻殊深加恩副都統賜卹

十五日祭已罷至午晴午後致露晴露有微雨即止 先君子忌日供饋

雙燒雞雙燻鳧加乾菜江瑤柱一器菜肴六器冰雪梅饅一器燒瓜餅一器菜羹一時果四盤西瓜兩盤饅頭一大盤新蓮子滿綠茶一巡酒三巡飯再巡茗飲再巡 以釋氏中元節祀故高公皆菜肴 得伯寅尚書是月五日吳門書

言所寄墓志已到 書玉夫人明日生日遣僕媪饋以雙鳧雙雞桃

滿饅餉 作書致致夫饋祭饌三器得復 夜風雨頓涼珠聲滿庭

羈思堂集

邱鈔

上蔡畢道遠周家楣奏順天府屬被水情形亟籌拯濟一摺本年雨水過多河

水漫溢通州等州縣所屬邨莊田廬被淹並有傷斃人口京畿一帶地方被災

甚重著李鴻章畢道遠周家楣迅速籌款派員詳查妥為振撫

十六日甲午涼露薄晴時有微雨 作片致先甫念志甫為梅卿送別

敬去保得復 夜月珠佳是夕望

十七日己未晨及上午露午晴 補祀 曾祖考妣 祖考妣 本生祖

考妣 先考妣中元節以菜青果餅焚寶羹一巡酒三巡飯再巡糖果四挂

得爽味香即復 郭子鈞同年來

六日丙申 暑氣已後晴

上午過敦夫齋中談

閱東塾讀書記

諸子一卷所言皆大義臨實不墮瑣碎

敦夫來舖後借視汝翼病

瘡甚而腹脹甚可危生也有滌支雜如此為之流涕

鄧人謝輔廉吏部

乞書扇

朱桂卿來以銀為饋固辭之即請其往診汝翼 此日吃燕

窩飲軟稍差桂卿言以參冬半夏陳皮煎湯頓服之亦有益檢回談謂咳嗽

由於風寒入肺最忌用參冬等滋膩之品補任外邪此專主風火之軟言余之

久軟由於氣血虧損故用參冬為宜惟半夏太辛燥不如以橘紅代之 凡治

暑治疫宜用清涼解散之藥最忌附子薑桂此定法也桂卿言今年不然此

日京師疾疫流行死喪相踵城東尤甚其發也即厥冷不能言一日輒或不可救

桂卿以附桂薑朮治之多活蓋今年六月陰雨連旬陽熱不行三伏之中涼

不發汗重以土而牆屋傾病內外非流七月上旬忽復蒸暑寒個不出陽絕
化陰再以涼劑投之則土亦矣此治病貴乎審時也今日見菜色張廷瑞所擬
方亦用白木蒼朮天麻蓮桂乾姜烏梅甘草萊菔

第頭

即鈔

以降調戶部尚書景廉為內閣學士兼禮部侍郎銜

恩澤為吉林副都統

上諭翰林院侍讀盛昱奏兵部尚書彭玉麟奉命數月延不到任該尚書抗詔鳴
高不足勵任遲遲讓之風反以開功臣驕蹇之漸請飭迅速來京等語前據彭玉麟
奏請收回成命蕭全保病體稍愈即行來京日久未據奏摺北上該尚書當已
就痊著遵前旨即行來京毋再遲延

通政司副使明桂為太僕寺卿

翰林院侍講楊頤轉侍讀左春坊左中允胡喬年升侍講

十九日丁酉晨小雨上午露旬午薄晴午晴

雜聞方書

張叔平

來不見

二十日戊戌晴復熱

毅夫來信之同視汝翼已不甚知人矣悲夫出詣介

唐而歸

郭子鈞來言散館分得戶部陝西司

郎鈔

上

前據已革御史戴彩大理寺少卿劉緒先後奏參呼蘭協領巴彥孟庫

滋墜地畝一案設局斂資恣意誅求各節當諭令文緒確查業據奏請將

巴彥孟庫先行解任歸案實訊茲據文緒等奏稱究出已革鄉約潘廷恩於

尚書

卷

七

光緒五年九月間斂錢進京面見御史英俊交付銀兩商辦條奏並有部書金
姓設法求免花利各事民人張作霖呈出信件附有英俊奏底核與六年九
月間該御史奏請查辦開禁通官荒場鈔給定安閱看之件相符案關言
官得賄物件亟應徹底根究若刑部於安犯潘廷恩等解到時確切嚴訊休
致御史英俊著該旗即行看管聽候質訊載彩劉緒有無別項情節並著聽
候傳質

二十日己亥亥初一刻處暑七月中晴熱甚 早起盥漱方畢欲往視
汝翼則已來計云長刻逝矣即偕數夫往哭之悲甚其妻號泣云主人見李
公來目復降矣哀哉出與其鄉人陳編修與同陳戶部寶 周中書
雲章 等略商復事而歸 復頓道詣介唐小坐 作復王益吾長沙書

後半論故鄉買宅營壙之願及平生著述未成之憾凡八百餘言即
作書致周荏翁託其附寄

作書致沈子培為胡少卿送別金去得

復 偷晚過教夫齋中談即歸

夜半後霽

邵鈔兵部郎中豐烈升內閣侍讀學士詹事府右庶子會章轉左
庶子左贊善霍穆歡升右庶子

二十二日庚子晨霽上午後晴霽相間下午多霽時有小雨 得教

夫書約作閒寫復辭之

作復子縝書唁其太夫人殯棺被斲

作復王予獻書唁其丁內艱兩書之作悼之數月心重語長因病輒廢
今以汝翼之慟展念平生哀緒萬端故復益吾子縝子獻三書以抒悲
感其詞皆甚悽感不能自已也子縝子獻書後皆及者越修志事略

舉體要并論得失及先後之序取裁之法於子獻書尤詳 官紹

各兵備 瑞璋 送來利敬銀一流亦可謂無因至前矣然其數數卻之不

可也即以付衣費郵姓 潘伯馴來函晚借過汝翼家撫樞再哭之

晚歸 夜初小雨四更漸密有聲 買棉半臂一值銀二兩六錢

二十三日辛丑晨密雨上午少止午後數雨晡後益密入夜有聲

作復鄭倉尚書吳門書 復趙桐孫津門書 得梅柳十八日津門書

言數日前天津俱傳言余死蘇二海外陽五古人搜、岸兒鏗臺蠹何與

邪 得徐花農書 命張姬往唁汝翼之妾且致燭楮以其妾有從

死之言屬懸喻之果能如是亦難能矣 閱惲子居集 夜雨聲

凄苦達旦瀧：不獨

二十四日壬寅晨大雨上午少止午日見午後雨下午又止晴晴後

復霽霽倫晚小雨 作復沈曉湖龍泉學舍書亦八百餘言并錄

擬修紹興府志略例八條寄之 夜雨

邱鈔

詔於二十六日親詣 大高殿祈晴分命停親王恭親王等禱時應諸宮廟

詔以京師雨水過多物價昂貴兵民人等生計維艱所有八旗及綠步各營官

兵及倉餉之閑散宗室覺羅人等並宗室覺羅孤寡均加恩照現放章程賞給

本月錢糧其五成粥廠並加辰兩月光期開放

命戶部尚書額勒和布署左副都御史張佩綸馳驛往陝西查辦事件隨帶

司員一併馳驛 此御史劉恩傳劾巡撫馮崇麟以賜三千兩賄署糧道洪大晴息命案也

上諭御史劉恩溥奏編修林國柱前于光緒五年丁憂服闋先期請咨經吏部

奏斥後乃於考試試差時面求收考請飭查參等語著吏部查明具奏

國柱
蕭山

其其文恭以光緒三年陞於貴州銅仁府任國柱以父死日為開計之日在五年四月考差時先入京其服闋在
文階巡撫院吏務填年月為之至該日計服闋止三百年更部司事款序之署侍郎張演御徐致祥許入試竟得貴州學政

上諭前因張樹聲奏調已革鹽運使洪汝奎差委當經允准旋據張之洞奏調仍

諭令登往廣東差遣茲復據光祿寺少卿延茂戶科給事中鄭純嘏先後奏稱

廢員棄瑕錄用臣下不得奏請茲據鄭純嘏奏該革員釋回後潛赴天津急

於奔競等語洪汝奎著毋庸登往廣東差遣

上諭科道為朝廷耳目之官宜如何砥厲廉隅東身自愛茲據御史劉恩溥奏

滿漢科道賢否不齊難保無宵小私作摺底借名撞騙等語嗣後如有攜帶

相
底向人恐嚇若准將原人原稿扣住立即送交該地方官從嚴懲辦以儆刁風
科道等亦當各加慎密自顧聲名不致為人影射

二十五日突昨晴露埃能酷暑蒸溽 得心雲六月二十日里中書

光甫來毅表來 子培來 譚越志略例於山水先質兩條言之甚

詳 夜雷雨不久止溽暑益甚

邸鈔

今
兵部尚書瑞聯充崇文門正監督都統克蒙額充副監督

二十六日甲辰露溽故晴時有微雨 張叔平來告初三日行 介

唐來 作書致子培以復桐孫曉湘鄭愈三書詭其弟子封錄彙得

復 得楊正甫書饋蘇州墩子鹽蓋十八包類婁果十八枚即復謝

得奕珠書

前日遣庸媪以挑問遺汝翼之姬則已吞鴆片蔡矣今晚

來書以百時毒發厥烈哉姬氏吳河南人年三十性頗強悍而能以外終

士丈夫可媿矣

夜雨疏密達旦中夜有風

師鈔

詹事府詹事洪鈞為內閣學士兼禮部侍郎銜

二十七日巳未午前晴後教有日景

汝翼七日送以獨楮又紫效

寺僧祥生涅槃送香資四千蔡備臣喪輓送奠分四千姬人等以佛經

紙課致汝翼之姬

鬢頭

玉醉香來

閱江陵張文忠公文集凡

詩六卷文十四卷書牘十五卷奏對十一卷萬殊四十年壬子其第三子修樸

懋修所編時去文忠之沒三十余前有沈鯉呂坤兩序及懋修所撰兩則又

述先公致禍之由一篇末有其長子禮部主事敬修等所誤行實一卷
則文忠初喪時也有荊州高以儉後序文忠相業為有明第一人任事過憊
身後遂中奇禍後之東政者才既相去遠甚而又墜於前車務為保身相
率惟諂於是明遂不振陵夷以至於亡矣讀是集若令人歎息於神宗之昏
真下愚也書讀十五卷字之老謀最為可觀近日胡文忠所不能及 傷
晚頓涼夜西北風起涼甚

二十日丙午晨晴旋霽竟日收晴多露甚涼 閱張太岳集其雜

著言秦之治勝於周此文志雜霜之術有激言之不可以訓 得沈子培書

還書彙三件即復 作書致吳天衡編修以復鄭愈書託寄 作片

致相孫以致曉湖書託其交長蘆運回沈永泉轉寄 猶初來言定計

九月初南歸

此日京師坊市相率祀神過年延僧禮懺驅鬼送瘟

鐘燭爆竹晝夜不絕多以紙為人具鏡鼓楮錢送之城外曠野此漢制迹

疫傳火板洛水之意也聞一月來都城內外死者已萬餘人天津尤甚今年

北地雨水順天熱河樺泰東陵奏報皆言五十年來所未有又重以厲疾人心

惴惴亦可危矣

二十九日丁未小盡晴

閱張太岳集文忠於徐文貞顧華玉感恩知己

陸二畢生即於高文襄雖始合終隙然與文貞書極悔中云明白處直舉

動極合人心於止開江河之議亦悔其公心虛受易於轉圜其於父喪反奉

母入都時兩次道過新鄭與高相見至於涕泣反高沒後與其弟書為之畫

策令文襄夫人具疏請卹又為之陳乞於上其言脫摯皆見由衷之誠至大

臣之獄亦數與人書言極力調護至以百口保之則文忠之心千載如見蓋

新鄭之遜以欲去馮保而反為所棄實以子歲天子改易不歲孩子之言激怒聖怒故後

神宗猶銜之謂其欺侮朕軀文忠當是時不免以權勢相軋幸其去而不殺

若謂其與馮保合謀已非事實至大臣之獄全由馮保所構文忠無與也因

楊博葛守禮之言即力救之而今明史諸書乃謂文忠謀陷高紀事本末

等書至云文忠改錦衣獨帖中鑿有據四字葛守禮識之笑而納諸袖文

忠覺之曰彼不諳體裁我為潤色之耳則誣甚矣文忠果改獨帖何有出以示

人葛方請殺於文忠何敢納帖於袖其將以為劫制耶文忠何知人而險狡

如是又粗疏如是耶至奪情時吳中行趙用賢等疏上令時文忠盛怒欲杖

之者蓋實有是也其時學士王錫爵等請之而不得亦實事也而紀事本末

等乃增飾之云為書馬自強為之解居正跪而燃鬚曰公饒我公饒我錫爵造

喪次請之居正索曰作自剄狀曰爾殺我爾殺我徑入不顧此等形狀直市井亡

賴之所為而謂文忠有是耶文忠之奪情當日索疏乞歸言甚哀懇朝廷詔慰

部院疏番亦皆往復數番而造為此言益出吳趙等怨若之口文忠旋敗仇怨

愈多主積嫌朋黨日盛皆以江陵為口實然其証証亦何能欺三人童子殺

唐時牛李分黨既衛公敗而宣宗銜之不已僧孺後人皆責其黨益盛遂造

為衛公聞御史大夫之命為喜泣下至對杜棕侮小子王氏應麟謂以文饒為

人大槩觀之必無是事蓋僧孺之黨証之余謂文饒已嘗為相時以節鎮入

覲何至驚喜於一御史大夫且杜棕音樞為材文饒視之奚啻涕唾而造為

小子之侮此不出懷守及僧之識見史官無識野乘多証古今若此等者何可

其年所陳并其卷屬子居正謀事為保其舉其所薦者張瀚也而翰不曾其事不可信又

勝道哉 國初王尚書鴻緒修明史時東林復社餘孽未熄尚書吳人所
任萬季野等皆黨人弟子追原禍始歸咎江陵季野著序書辨疑列
其二十四罪則當日之議論偏畸可想乾隆時張文和重加刊修稍為持
平故如改錦衣揭帖跪言饒我等事皆 欽定明史所不載近日陳稽
亭明紀亦不取而夏燠父明通鑑載之陳之識勝於夏矣究而論之文忠
之才及任事之勇謀國之勤有明第一人也其量狹而少容知進而不知退
則學不足也劉臺之劾文忠本以私恨激而為之非出於公文忠遽謂國朝二
百年來無門生劾座師者怒遂不可解及御史傅應禎亦以門生劾之於是
怒益甚以為天下無一人諒其心者其與司空陸五臺光祖書極言國事之不
可一日無己而以陸為應禎解者庸人之常言至奪情事起而吳趙皆以門

宋尚書書錄

書極言國事之不

生劾之則益憤怒橫決幾欲死之而文忠之禍遂中於是明之黨禍亦由此起矣使文忠能容吳道等而堅請葬喪主眷未逆朝局未改其所設施未必有人變叟也奈何不審於輕重之間祀不建以為眾的乎其後莊烈時楊武陵亦任事才也而亦以奪情嬰眾怒此則後之人有不幸直此而才萬一不逮江陵者其戒之哉其戒之哉

過敷大齋中談

書王來光甫來

譚覲孫來

師鈔

上徐御史丁振鐸奏考場頂替等弊仍復未改一摺據稱此次考取宗學教習之吳恩照係中書馬星聯頂名入場出結官為陳鴻年請飭查辦等語若禮部飭傳陳鴻年帶同吳恩照赴部另繕試卷核對筆迹是否馬星聯冒名頂替之處併查明具奏

八月戊申朔晴

馬蔚林來

周行翁來

介唐來教夫來

得陳彞卿七月十六日山左書

印結局送來前月公費銀十五兩

邸鈔翰林院侍讀學士承翰升詹事府少詹事

初十日酉霽

謾百夫輓聯以屈絢布書之云平步致青雲方看閣

綸代掌璽謝高王海諸君而興詠祀禮殿談經遽見緋衣歸玉句盟心

期白水相慨越紐文泉勉振黃梁即江光賢之緒何意牙琴絕響空餘

繪布若金門行以真銀四兩託光甫轉交餘姚孝廉韓子喬附去韓為官夫

同鄉人也

金忠甫來

得周君英書并傷汝翼姬人摸魚兒詞一闋印

復

得光甫書印後

爽味來

晴後詣教夫印借過介唐不值詣

伯循小坐晚歸

付賃屋銀十二兩

以食物六合饋書士夫人

殷寧

庭饋食物 夜小雨祀門行戶竈毆厲之神五更後爆鞭

初三日庚戌晨及上午霽午散見日午霽晡後暗 鐵香來

作復陳書卿書與論治志之難反吾鄉風俗之敝凡數千言此君拙於文

辭嘗於考據而又輕視志事兩與余書皆累千言餘言設舉以答之

每條筆錄即實自前念其苦

夜小雨有風旋止 桑叔雅赴告婦卷送真分四千

師鈔

初額勒和布出差以上部尚書麟書兼署戶部尚書

初四日辛亥晨露已晴頗熱 再作致書卿書與言詩集緣起亦千

餘言 作書致毅夫託代錄與書卿兩書稿 晡後步詣張叔平送

行不值詣周荇翁談至晚歸 夜三更後大雨驟作旋止

郵鈔

詔李鴻章奏直隸所屬武清等州縣被水成災加恩再撥京倉米四萬石振濟

恒天各屬再撥奉天運通粟米一萬四千七百石餘石振濟直隸所屬至所請

撥給順屬部庫銀五萬兩奉

皇太后懿旨著戶部將此次中秋節應進宮內款項撥抵毋庸呈進

初五日壬子晨霽上午散晴午晴晡後復霽 伯潘來 得子虞書言明日南

還 作片致子培得復 作片致子虞致介唐致潘伯循致黃松泉致朱

蓉生俱約今晚飲 下午過教夫齋中談 得子培書即復 鬢

頭 介唐來 爽垌來 毅夫來 晚偕教夫來潘諸君飲便宜坊

子虞松泉不至夜二更歸甚熱三更風四更雨頓涼 得酒保三千客車三千

邸鈔

詔下寶第等奏本年六月間湖北長陽興山宜都等縣蛟水斗發沿河民田廬舍淹灌冲塌甚多雲夢潛江江陵等縣亦同時被淹若照所請截留湖北冬漕米運米三萬石并隨漕耗米等項俾作賑需其餘被淹之孝感等州縣仍着察看情形分別辦理

初六日祭社密雨竟日至晚少歇復雨有風涼甚始衣絲 得子虞書

書已行 得王廉生書即復 作片致子培得復 傅節子自閩來

卅年舊雨萬里遠來適以今日風雨中至而為閩人辭去悵恨竟日得孫子宜中元日書并番銀三十圓得何竟山七夕書并所刻雙鉤漢碑篆額一部共三冊寫槧皆工 閱節子所刻學經室經進書錄即阮文達學

經室外集之四庫未收書提要也為之按四部排比目錄以便檢閱間訂正
其誤然阮氏惟嚴氏明理論一書誤題嚴器之名而不知即成無己傷寒明理論
四庫已收之此一條為最疏際皆無關大指而節子載歸安陸心源一跋極詆之
且為改題書名皆非也 夜雨止涼甚

師鈔

上諭 李鴻章奏七月二十五日非刻永定河南五工于七號以連日大雨水勢斗長奪

潘成口在工各員分別參處並自請議處一摺南五工永清縣縣丞沈培源即行

革職三角淀通判李占春永定河道游智開均革職暫任李鴻章督率無方交

部議處

上諭 禮部奏傳查考試教習頂名入場一案舉人吳恩照現已回籍查覆試卷字

近與正場不符顯有檢代情事吳恩照著先行斥革茲著浙江巡撫即行解

送刑部嚴訊出結官陳鴻年中書馬星聯一併先交刑部傳訊該卷併發

上徐侍郎張濬卿奏自請議處一摺此次考取宗學漢教習吳恩照覆試筆迹

與原卷不符張濬卿景著於校閱時未能看出實屬疏忽均交部照例議處

御史謝謙亨奏請旌表烈婦陳吳氏著准其旌表此即汝異之妾也

初七日甲寅晴霽相聞 作書致傅節子得復 發畫卿書交山東

提塘寄去 作書致符翁還其鄉人寶慶李洽丁壬煙籠一冊洽道光丙午

舉人有文辭和好冶游丁壬者道丁未至壬子所記皆都中北里事也文筆頗

潔間載詩詞亦頗清雅其議論往往歸之於正雖諷一勸百尚不涉於淫媒其

紀河南李仁元事李嘗自號倩美生於曲中娶楊姬為妾赴江西李旋以知樂

平縣死粵寇之難楊亦殉節李工詩余嘗采其集中佳句載庚申日記中

初八日巳卯巳初一刻三分白露八月節敬晴多露 陳伯平未 鄧

人張肖蒼編修嘉祿來乞為其母夫人作傳 倘晚詣教夫齋中談

汝翼之弟來以其兄訃狀中須述烈婦事為擬狀付之烈婦自以汝翼有立適之言遂衣命服余深憐之嘗屬攷夫雲門以語汝翼當禁止也烈婦以此甚怨余然其顛疾也烈婦曰主人將屬纊告我以三事曰嫁曰守曰死我念既受主人恩以我為適服其服矣胡可嫁守則無兒又無子嫁死土不可守也計惟有死耳死則當以命服斂我以此報主人無它計也余嘗語若英鐵香諸君汝翼之喪偶且固以名與服假之矣今烈婦又以此死是當加等以寵之者也其計以嗣子名父命

之為適而子妾之妻不順也禮律有子者適子妾子名以庶母烈婦既無子而
名以庶母名亦不正也既從其請斂以命服當後干戈白鳩之誼沒其以妾為妻
之嫌計狀徑侮繼母所以勸勉也夫重視一章服而以身殉之亦可以勸忠也諸
君皆遵余言而其鄉人不然之則視父妾加一等侮庶母可矣存余此論可也
夜半後雨有聲

卯鈔翰林院侍講王邦彞轉侍讀左中允龍湛霖升侍講

初九日丙辰終日涼露時有小雨 得傅子尊書約明日飲 閱嘯亭

雜錄 夜誤宗室尚書麟太師母棟鄂太夫人八十壽序

右翁既御史宜
翁先生諱善伯

初十日丁巳晨霧上午晴下午霽 誕壽序記 作昔致爽咏 下

午詣譚視孫不值詣郭子鈞又各拜數客赴子尊祭慶堂之飲歸子日

晚始至董昏歸 陳伯平來乞為其太夫人壽序 饋啟

夢庭節物吳介唐節物 仙洲夫人饋節物 閱舊唐書及廿二史考

吳 得爽殊書 夜半雷雨

十一日戊午震露比日霖已西北風起晴下午間露晡後露晚晴有霞

甚麗 閱勞氏讀書雜識 書玉饋節物 再味桂卿用山谷次韻

廖韻詩 作者致桂卿并詩及麟太師母壽序 作書致書玉還雙

亮氣脯 致大來 得桂卿書 夜始食蟹飲致醉

邱鈔

上諭倉場侍郎游百川著即回任山東黃河工程即著陳士杰認真辦理以專責

成降調山東按察使潘駿文交陳士杰差遣委用

此以徵音疏言游百川不知河務惟向海星之私弊行總從之說請列簡大員也

十二日己未晴 毅夫來下午偕詣介唐即同至三慶園觀劇晚至太

和樓會暨飲酒夜詣書玉談一更後歸月甚佳 付車錢二千圍坐八千
書玉夫人節禮錢四十千 張媪
四年

即鈔

上諭浙江降調按察使陳寶箴奏交卸臬篆竝請陳恩憫一摺據傅張佩綸所

奏該員到京日營之於承審各官之門櫺縫掩飾一節懇請飭查等語降調人員

本不應曉之瀆辯惟所侮名節有闕若不查詢明確無以折服其心著派閻敬

銘查傳承審各員有無與陳寶箴往來情事據實具奏 陳疏有云法司若天下之平也是非若
朝廷之公也苟不著事實思惟恐受

十三日庚申晴 作書致爽咏致子培 作致楊雲桑布衣吳門書行五

古一章 書玉來 晚過毅夫齋中談 得爽咏書 夜月甚佳

閱舊唐書 五更小雨

感都門近事答桂卿四疊山谷水龜无答廖明略贈答詩韻

世○事○到○前○總○織○口○但○顧○時○間○印○如○斗○四○塞○以○外○紛○觸○蠻○日○望○玉○門○生○得○還○
東○南○一○候○西○北○耐○何○如○移○置○眉○睫○間○白○面○少○年○書○案○上○禁○帷○頗○聞○屢○傳○賞○
常○僚○驟○擢○躋○公○卿○或○馳○虎○節○莅○百○城○朱○屋○棗○地○師○賈○策○阿○佟○駁○議○無○周○榮○
我○曹○竊○食○百○僚○底○不○能○去○逐○元○真○子○著○書○相○戒○絕○罪○讒○高○歌○互○答○寫○憂○喜○清○
流○湛○無○激○湍○修○竹○甯○受○甘○蕉○彈○吳○樹○著○花○自○媿○婚○孤○桐○半○成○無○援○攀○君○不○見○
十○丈○東○華○輾○紅○外○照○人○爽○朗○有○西○山○

京師秋晴寄懷彤山人楊雲集吳下

秋○風○起○庭○柯○曉○日○在○窗○戶○郊○歲○徧○積○水○黯○黹○而○月○雨○自○今○喜○得○晴○西○山○納○我○
宇○因○之○懷○故○鄉○家○家○熟○禾○黍○金○粟○香○風○巖○紅○菱○界○烟○渚○楊○子○港○冥○徒○長○羊○

賃。舉。廬。薄。田。尚。可。耕。胡。為。久。羈。旅。形。山。萬。竿。竹。烟。深。擔。無。主。壽。勝。好。瑋。鄉。
三。里。通。一。浦。時。當。春。秋。交。往。來。簷。船。艙。山。妻。安。紡。車。稚。子。理。的。畧。清。豁。動。
林。影。仙。眷。盡。吟。侶。嗟。我。無。家。歸。亦。莫。息。倦。羽。會。當。租。白。雲。荷。雨。從。學。圃。

十四日平旦晨露有小雨上午露尚午後晴露相間晡後晴熱 午詣

傅節子觀明拓石鼓文郭蘭石家物也入城詣先甫不值詣東單解樓二

條胡澗翁叔平師賀節三條胡澗麟之奔師賀節送禮之金詣西交米巷

巷拜張肖養出城詣鐵香不值詣房師林贊虞送節禮之金晡後歸

署中送來咏李養廉眼丸兩六錢咏奉銀子齋 作書致奕咏得復

晚過毅夫齋中談 鬢頭 付車錢六千五百箱門茶四十餅林門茶各二千
送廉銀二千送奉銀三千

邱鈔

上諭直隸被災甚重著戶部再撥庫款銀五萬兩解交李鴻章即委贖員會

同地方官趕緊確查被災戶口核實放放贖有不敷者在藩庫無論何款的

量提撥接濟

上諭內閣奏職官在逃請革職嚴緝一摺中書馬星聯於刑部片傳之時竟敢

潛避無蹤顯係情虛畏罪著先行革職交步軍統領衙門順天府五城御史

一體嚴拏務獲並著浙江巡撫行令該原籍地方官嚴密查拏一經訪獲即行送

交刑部歸案審辦

十五日壬戌晨晴上午散晴多雲下午雷雨 毅夫續羅東一匣查人

一匣作書復謝 詣景坪師送節禮之金 爾叔平師續銀十二兩作

書復謝福使十千 毅夫來介唐來潘伯循來 得趙桐孫回羊天津

書論洋務至千餘言皆為合肥辯者以駢儷行之其文甚美 敦夫題

至廣德樓觀三慶部傍晚歸 是節得衣實賤文藻銀兩製湖

衣一領銀七兩四錢 厄人司馬士宏有銀錢一百五十千石炭錢九十一千赤銀三兩

松以齋儀七十五千便宜坊錢二十千布鋪銀二兩二錢五分酒鋪銀三兩五

錢寶森書鋪銀二兩五錢茶食錢三十二千聚寶堂錢三十四千香油錢五

十三千絨綫錢廿五千銀飾九州錢五十四千 內子節費番銀五圓又錢

二千千帛姬番銀三圓霞芬銀二兩又錢十千玉儂銀二兩又錢十千李升十

三千 皇夫升兒各二千王媪楊媪各九千張升三千鮑僕齡兒六千

夜密雨滄歷至旦

十六日祭亥辰小雨已後晴 閱吳頌儒喪禮約 作書致敦夫饋燕是

一器昨亨此本以待小飲也

師鈔

上諭吏部奏遵議處分一摺翰林院編修林國柱於光緒五年服滿起復到京浙江
巡撫所給咨文填寫四月十七日該員即於是日在翰林院投遞復於十九日在吏部散
吏之堂官處面遞文結得與考試其為先期請咨豫填月日情弊顯然林國柱若
部議即行革職前浙江蕭山縣知縣龔鳳岐閱缺浙江巡撫前浙江布政使任道
鎔已革河東河道總督前浙江巡撫梅啟照應得降一級調用處分均照所議辦
理前署吏部左侍郎內閣學士徐致祥應得降二級留任處分若准其抵銷
十七日甲子晴 先妣忌日供饋菜肴八豆又燒鳧一魚翅燻羹一為
先君設也饅頭一盤菓糕一盤時果四盤蓮子湯一巡酒四巡飯再巡茗飲

再巡討以兩弟

夜月甚皎是日望鐵香來夜談至三更去近日法夷

之攻越南也有劉義者本名永福廣西人入雲南邊徼為商販通杜文秀亂滇中

遂亦起為盜號星旗賊址逆乎劉降於廣西授武職展轉入交趾亦受官自為

一軍妻與法夷戰妻捷法夷來致書通商衙門詰劉事劉亦抗書自陳

朝廷不能助越南亦不能討劉下其事於北洋大臣合肥駐上海月餘左湘陰彭

尚書皆會無所決越南緊請救法夷緊請救我誅劉且以所折兵責我償廷

臣余既爭 朝旨依違而已近聞彼國東京已降於法夷東京既氏所都

唐之安南都護府治也其地臨富良江與海口通城廓僅土壘數尺不可

守其國貧弱甚兵寡而怯劉義所統帥曰黃佐賢亦柔佛惟義兩率所部

粵人為餘力戰不屈鐵香前日上疏言法夷據越南則與我為鄰輪船至

廣東廉州不半日且其地沃饒有金鐵礦此其事勢非琉球比也不宜置
不問請付廷臣會議不報余謂越南既折入於法夷不數年中朝鮮亦必
折入於倭或英夷是則我之東三省南三省皆與醜類壤地毘連中國之禍其
可問乎

十八日己丑霽上午歎見日景下午霽霽 閱十國春秋 書玉夫人來甯

張叔平為其兄伯崧太守 名觀岳已自傷負 開帛送奠分八千 庚子同年知會于

八日才登館園拜演四喜部 倘晚過毅夫齋中談 夜風起月出頗

寒閱太平廣記貢舉銓選諸門

師鈔太僕寺少卿鍾佩賢奏請因病開缺 許之 國子監司業

徐會澄并司經局洗馬

十九日丙寅晴暖 作書致傅節子約今日晚飲得復 節子贈問中

新校正翁草錄復初齋文集是集本草錄門人保官李蘭卿兵備考章

所校刻未畢而後故集無序跋近年兵備予以垣於錢唐丁松生而處得所

藏草錄詩文手卷三十六巨冊屬仁和魏稼孫錫曾補校印行惜其詩尚未刻

也又白壽山印石三方永春織紙對畫一副賓卿葉扇一柄 毅夫來 再

作書致節子還織紙畫聯改約明日晚飲 作片致子尊妹曰毅夫介唐

伯循俱約明日夜飲 伯循約後明日飲 署中卷二十三曰夕月壇陪

祀 方勉夫為其戀室吳開弔送奠分四千 夜初小雨即止 光甫

來 奕珠來 夜頗熱不快

邸鈔浙江巡撫劉秉璋奏七月初二日至初六日狂風大雨晝夜不息沿海

各屬往三成災海甯州大小山圩及鹽二圩碎石塘衝決數處田廬民舍多
被淹浸海鹽縣土塘冲決十餘丈鹹潮倒灌一片汪洋居民紛窺童稚有
淹斃者甯波府之鄞縣鎮海慈谿奉化象山各屬沿河一帶同時被災淹斃
人口此外各屬被風之處輕重不等

記
此次浙省沿海州縣猝遇風潮浸決塘隄田廬受傷情形甚重殊深慮念所
有冲塌塘工著即迅速籌款修築以資保衛其被災地方應行撫恤之處並著

查明辦理

署河南巡撫成孚奏請以河陝汝道曾致恩調補南汝光道以彰陽府知府鞠
捷昌調補開封府知府

二十日丁卯晴暖 閱復初齋文集 梳頭 伯循邀同毅夫介唐至

慶和園觀劇晚詣聚寶堂林子尊節子繼至談笑甚暢余全設辯

黃魚翅羹雜酒江瑤柱湯煇鮑因味亦頗佳夜三鼓歸大風自西四更

稍止 付客車錢十千車錢八千酒保賞七千

師鈔

上諭

御史劉恩溥奏京堂衰庸懇棧請旨休致一摺大理寺少卿劉緒著即休致

其前奏呼蘭協領巴彥孟庫一案有無別項情節仍著聽候傳質

御史王麟祥授四川叙州府知府 本任知府吏祿秀丁憂

二十日戌辰晴寒有風 作書致來球 閱復初齋集 子培來久

談 晚詣便宜坊赴伯循之飲夜一更後歸五更疾大動

師鈔編修志鏡升詹事府右中允

二十二日己巳晴下午有風

得伯寅尚書十四日吳門書

譔汝

翼輓聯以屈絢布書之云傾襟踰一稔平生風義謬承師友之間詎
知先我歸真垂死猶聞憂國語繞却之孤籬亭迹烟雲同付杳冥而
已所喜殉君有伴靡竄難得侍書人 書楹聯贈楊雲彙云雨後

谿聲添茗鼎林間山翠溼詩燈 又書楹聯贈人云壽鏡銜花卷

簾勝月春風在筮入座如秋

得爽珠書即復

近日聞廣東

南海之沙面地有英夷人與粵民鬥蚌殺粵民二人粵人因焚洋房十三
家連及法德米諾長房前日召見侍郎許應駁今日 召見副都陳蘭彬
皆粵人簽 詢此事也

二十三日庚午酉正一刻十分秌分八月中晴風涼甚 以松竹三卷

花卉箋四匣并昨書楹帖前日所作詩牘寄楊雲乘於蘇州曹家巷

作片詭吳編修大衡附去 下午出市汝翼送奠儀四金歸舖後詣

潘孺初陳伯平殷華庭俱久談晚歸 夜風勁益涼額重衣

是日鬚頭 先甫來 廿年錢五年

二十四日辛未晴 早起敬縣三代神位圖以昨日秣分祀 曾祖考妣

祖考妣奉生祖考妣 先考妣因育六豆菜肴六豆菜羹一饅頭一大盤

桌饌一盤時果五盤菓子湯一巡酒三巡飯再巡哺後畢事焚楮泉

作書致楊正甫饋蒸鳧鱸二十款黎子枚得復 作書致敦夫饋以祭

餘兩器 鐵香約廿八日夜飲 閱復初齋集草裕於汪容甫戴東原

醜辭妄許於惠定宇氏之周易述張皋文氏之儀禮圖亦深識之此由未觀門

徑若羞變怒不足深責其為鐵梅窠金石圖序云鄭氏之說經也曰易詩書
禮樂春秋策皆四尺四寸孝經謙半之論詔八寸策者三分后一又謙為案此又
出儀禮聘禮疏引鄭君論詔序本孝經約命朱之辭作易詩書禮樂春
秋策皆尺二寸而左傳序正義亦引鄭注論詔序作春秋二尺四寸孝經一尺二寸
則儀禮疏尺二寸乃誤文章謬作四尺四寸不知何據矣三分后一當作三分后二

段氏說文注已正之

得同年朱偉軒

或與新竹縣署書行銀四兩

二十五日壬申晴

毅夫來

作五疊山谷用龜膠贈荅詩東朱桂

卿 作片致潘伯循為汝翼計告同里諸同志事

作書致鐵香催書

樞帖以後日有同鄉公車南歸將分寄諸弟也 得伯循復書行汝翼赴狀

八箇印作片致毅夫說轉屬也子財去 作者致桂卿

簡朱桂卿五疊山谷次元若明略贈答詩韵

黃流倒注礫豁口石水難勝沈六斗腐儒不知時勢艱高談欲挽河南還
齊東士夫惜地方東之北注瀛莫間 朝廷焦勞竭內帑各士未得一錢賞

況今陽戾屢震驚歲備獻齒無完城未聞尹忠責疏闊但有延世希榮
浙中海颺吹鬼市居民萬家作魚子使若告吳恐 王憂惟言秋未翠堪喜

君家武原古鹽官揚旒東渡一指彈秋深相期剡中去板輿紅樹堪扶攀
莫問橫流福南北聽泉洗耳雲中山 海鹽與上虞隔海相對近有風潮之變
未君母夫人移家避水改為剡中山莊約云

二十六日矣西晴暖 作書致梅卿致心雲俱為汝翼購事 毅夫來
介唐來 毅夫遊至廣德樓觀劇夜同介唐書玉飲聚寶堂招霞芬

二更後歸 得桂卿書 鐵香送楹聯來 得車錢七千 以粉地藍雲鶴紙
表粘聽事三間錢三千五百有補書若

邸鈔

上諭前據御史劉恩溥奏貴州學政孫宗錫嗜好甚重場規鬆弛於新進童生填
寫親供索取規費等款當諭令各毓英查明具奏茲據據林肇元奏該學政性
情剛復防檢不嚴煥試安頓興義兩府不遵成例等語孫宗錫著開缺赴貴州聽
候查辦

編修楊文瑩為貴州學政

京城外定福莊黃邨龐閣莊采育孫河清河各鄉鎮添設粥廠六處賞給粟米
一萬石自九月十五日起開廠散放派大理寺卿英煦太僕寺卿白桓通政司副使徐
樹銘內閣侍讀學士文碩奕年光祿寺少卿延茂分駐稽查彈壓監放

二十七日甲戌晴暖

閱宋氏過庭錄于廷承其舅氏莊葆琛之學專為公羊

家言而不菲薄左氏其於漢學亦尊西京而多回護鄭君此足見其實事
非是然如謂左氏首言惠公元妃孟子暨聲子仲子之事以明隱之所以讓桓
之所以立至元年歸惠公仲子之贈二年夫人子氏薨三年尹氏卒皆本與傳合
傳文乃劉歆之徒竄入磁尊左氏與公羊立異則恐孔武斷蹈於方望然姚姬傳
一輩人誣矣惟左傳歸惠公仲子之贈云子氏未薨則理甚可疑左氏雖親見
各國寶書況於魯史宜無不審然惠隱之間不免傳聞其記此事及二年夫人
子氏薨事蓋春秋舊文本無詳說子氏又不書葬遂因夫人之文以為必是桓母
仲子則歸仲子之贈時子氏未薨是豫凶事耳當以情事折衷三傳仲子之
殤必在春秋以前諸侯不再娶仲子當是孟子之右媵聲子是左媵以孟仲字次
言之孟子卒當以仲子繼室而以聲子若則仲子卒於孟子之前可知也左傳言

隱公元年冬十月改葬惠公惠公之薨也有宋師太子少葬故有闕是以改葬
公羊云隱為桓立故以桓母之喪告于諸侯蓋桓母既早卒并無繼室之名其始
卒也不赴於諸侯不告於天子正也至是隱欲成讓桓之意因惠之改葬始并以仲
子之喪告天子赴諸侯故天王使宰咺歸惠公仲子之贈致車馬曰贈車馬所
以送葬者也惠之葬有宋師蓋王亦未及贈所謂葬有闕也妻子為君母得
備夫人此不曰夫人者厭於惠公且桓未為君也桓未為君而王歸贈當以夫人
禮之者隱自以為攝其立也所以奉桓故以夫人之禮禮仲子而王成其意也惠
既改葬則仲子改葬可知當時天王歸贈衛侯會葬皆儼然以君夫人事
之隱不能葬不見衛侯謙不敢當長立則當日桓為喪主可知而仲子終不
備夫人者禮無未為君而可虛當君位者故春秋書王之歸贈所以紀實亦

以見隱之讓為過，曠桓之立為非正，而王不能以禮正諸侯，故隱之讓所以成魯之亂，故書以示譏也。曰歸，惠公仲子之贈，不曰及夫人，由子若明，妾不得為夫人也。曰歸，僖公成風之禮，不曰歸夫人，由風者明母以子貴，故系之子也。此春秋之別嫌明微，孔子之必也。正名言各有當，穀梁以僖公成風例之，而以仲子為惠公之母，莽公之妾，此意必之詞。婦姓不當同，諡果亦則考仲子之宮者為惠公母乎？為桓公母乎？將何以別也？至二年之夫人子氏薨，當從穀梁隱之妻也。隱既為公則妻為夫人，隱將不終為君則妻亦不終為夫人，其書夫人，亮猶隱之書公，亦不書葬者，或公意也。隱公之不書葬，因以不討賊，亦以當日實未成喪，蓋魯之臣子就公之讓，故殺葬禮以示美，亦所以掩桓之惡，故諡曰隱者，明不尸其位之本意也。隱不書葬，故夫人亦不書葬，所謂殺而顯志而晦也。三年之尹

氏卒當從左氏作君氏卒辭子也定公十五年如氏卒穀梁作父氏卒以為妾
辭哀公之母也左氏以為正公夫人哀公十二年孟子卒王傳皆以昭公夫人蓋當日有
此變禮之悔而史文因之君氏猶如氏也如氏當以公穀妾母之說為止左氏但言不
悔小君不成喪亦未嘗明云定公夫人^蓋辭子本為繼室又生隱公魯之臣子自當以
君母奉之其卒也悔夫人則隱公不敵當悔君母則不辭悔子氏則無以別於仲
子且前羊於隱公夫人悔夫人子氏薨次年於隱公母則悔子氏卒言亦不惟較
變文而曰君氏禮之所不得已也公穀於君字減去口字遂時會以為周之尹氏識
世卿矣隱母因慙不后夫人而曰聲氏哀母因定始葬未葬哀未成為君而悔
如氏昭夫人因諱娶同姓殺其禮而曰孟子事例異而其義一也周之世卿不止尹
氏且無故書王朔大夫之卒而又不記其名無此例也 介唐來邀同款夫至

慶樂園觀劇先甫書至亦來晚又邀飲聚寶堂招霞芬夜一更後余邀諸君

飲霞芬家四更歸

楊雪漁來

付霞芬函果幾字于楊其僕于霞車四十車錢十千

邵鈔右春坊右贊善張英麟升右中允

二十一日亥晨及上午晴午後多雲晚雷有電

閱過庭錄

介唐

來 下午春拜雪漁不值詣介唐不值晚赴鐵香之飲為獨袖饑行也坐有

何子茂學士賞宏舫中允楊蒼浦侍讀張研琛柴星海兩編修夜二更歸

邵鈔山西大同鎮總兵馬陞請終養開缺以太原鎮總兵張樹屏調補大同

鎮總兵以

何鳴高為太原鎮總兵

質摺紳

為湖北宜昌鎮總兵

二十九日丙子晴風下午稍止

曉臥中疾大動德甚雜閱小學諸書

作

片致介唐詭代取銀

伯晚詣教夫齋中談

李升龍廟願升代

三十日丁丑晴

讀梁補注

表粘房室塵坊雜搜付紙漢臣錢七十

千 稿初未

郎鈔

上諭給事中鄧承脩奏已故知府不宜濫膺祀典一摺祠祀之典所以報功嗣後中

外臣工務當詳核事實不得濫請其有奏請建立專祠及附祀者著禮部悉心核

議分別準駁候旨施行鄧承脩所請將已故知府馬繩武附祀徽鎔之處著禮部

議奏

初圖汁業圖汗那遜輝克圖補授庫倫辦事大臣